



曹州府表

兩漢

魏晉

宋

魏

齊周

隋

唐

五代宋

金

元

明

曹

句陽城陽
葭密宛句
呂都等縣
地

州

府

澤

縣

荷句陽縣

屬濟陰郡屬濟陽郡

句陽縣

省

乘氏縣

太和十二年
始自鉅
野界徙治
於此屬濟
陰郡

乘氏縣

乘氏縣

乘氏縣
屬曹州

乘氏縣

曹州

大定八年
徙置於此

曹州

至元二年
省入州

曹州

洪武初徙
廢正統十
一年復置

前漢屬濟
陰郡後漢
省

宛句縣

宛句縣

宛句縣

宛句縣

宛句縣

宛句縣
屬曹州

宛句縣

宋大觀二
年改名

圮於河廢

呂都縣

前漢屬濟
陰郡後漢

鄆城縣

乘氏縣 乘氏縣 乘氏縣
屬濟陰郡屬濟陽郡

壽良縣地

黎縣

前漢屬東郡後漢省定陶縣地

曹縣

徙廢

高平郡 東平郡

周置郡兼開皇四年觀八年徙置鄆州尋郡廢十年廢置鄆州大業初改爲郡

邱縣大業初省入

武德初復置鄆州貞觀八年徙

清澤縣

周置爲郡

鄆城縣

鄆城縣

鄆城縣

鄆城縣

鄆城縣

鄆城縣

屬濟寧路屬濟寧州

開皇四年屬鄆州天後唐復故改曰萬安祐二年又周改屬濟十八年又改曰萬安州

西兗州沛曹州

郡

孝昌中置州興和中

齊廢郡周改州名

濟陰郡

曹州

興仁府

曹州

盤石鎮爲

曹縣

初置興仁大定八年軍節度建移治乘氏中初升爲廢

濟陰楚邱二縣之界

洪武初復移曹州於縣界安陵鎮二年又

定陶

濟陰郡 初置定陶國後改

濟陰郡

濟陰郡

廢

廣濟軍

太平興國二年置

省

已氏縣

已氏縣

前漢屬梁屬濟陰郡國後漢屬濟陰郡

薄縣

省

前漢屬山陽郡後漢屬梁國

已氏縣

屬沛郡又置北譙郡

郡縣俱廢

楚邱縣

楚邱縣

楚邱縣

楚邱縣

楚邱縣

省

開皇四年屬宋州復置已氏縣六年改名屬梁郡

開皇六年州治又分府治始置縣爲置蒙澤縣郡治又分貞觀初省置黃縣十年改曰蒙澤大業初廢入

濟陰縣

濟陰縣

濟陰縣

大定八年爲河所圯

移治於此四年降州爲縣

置郡治左城

朝東武陽縣東武陽縣武陽縣	<small>初分衛國置真君三年省太和十九年復置屬頓邱郡</small>
武陽縣	<small>齊廢周復屬武陽郡</small>
武陽縣	<small>開皇六年屬瀘州復置屬武陽郡</small>
武陽縣	<small>貞觀十七年後唐復故</small>
朝城縣	<small>年省永昌名初復置曰武聖開元七年改名</small>
朝城縣	<small>朝城屬魏州天祐三年復曰武陽</small>
朝城縣	<small>明道二年屬大名府徙治社婆村崇寧四年割屬開德府</small>
朝城縣	<small>初屬東平洪武五年路至元五移今治仍州</small>
朝城縣	<small>年改屬濮屬濮州</small>

大清一統志卷之一百一十一

曹州府 在布政使司西南五百八十里東西距一百九十五里南北距二百八十里東至兗州府

本 濟寧州界一百六十五里西至直隸大名府東明縣界三十里南至河南歸德府考城縣界一百一

十里北至直隸大名府南樂縣界一百七十里東南至江南徐州府碭山縣界一百六十五里西南

至直隸大名府長垣縣界七十五里東北至兗州府磁陽縣界一百六十五里西北至直隸大名府

清豐縣界二百一十里自府治至京師一千二百里

分野天文氏房心分野大火之次

建置沿革 禹貢豫州之域 文獻通考曹為宋春秋曹分在豫州之域

國後為宋地 春秋傳哀公八年宋公入秦屬碭都曹以曹伯陽歸遂滅曹

漢為濟陰郡。成陽、句陽、宛胸等縣地。晉屬濟陽郡。後魏改置乘氏縣。屬濟陰郡。隋因之。唐屬曹州。五代宋因之。金大定六年縣廢。八年始移曹州治。此改置濟陰縣為附郭。屬山東西路。元初屬東平路。至元二年直隸中書省。明洪武初州徙。後廢。詳見曹縣正統十一年復置曹州於此。屬兗州府。

本朝因之。雍正二年升為直隸州。領曹定陶二縣。八年以兗州府之嘉祥、鉅野來屬。十三年升為曹州府。以濮州及所隸三縣並兗州府之單城、武鄆城。

來屬其嘉祥仍還屬兗州府。共領州一。縣十。

荷澤縣

附郭東西距九十里。南北距一百里。東至鉅野縣界六十里。西至直隸大名府東明

縣界三十里。南至曹縣界五十里。北至濮州界五十里。東南至定陶縣界十八里。西南至直隸大名府長垣縣界七十里。東北至鄆城縣界六十里。西北至大名府開州界六十里。後魏太和十二年始徙置乘氏縣於此。屬濟陰郡。北齊北周及隋因之。唐屬曹州。五代宋不改。金大定六年縣廢。八年改置濟陰縣為曹州治。元因之。明洪武初縣省入州。尋州亦廢。正統十一年復置曹州。本朝雍正十

三年升州為府。設單縣。在府東南一百五十里。東西距七十三里。南北距八

十里。東至江南徐州府豐縣界四十五里。西至曹縣界二十八里。南至河南歸德府虞城縣界四十五里。北至兗州府金鄉縣界三十五里。東南至江南徐州府碭山縣界五十里。西南至虞城縣治七

十里東北至金鄉縣治四十五里西北至城武縣界二十五里春秋時單父邑漢置單父縣屬山陽郡為都尉治後漢為單父侯國屬濟陰郡晉屬濟陽郡劉宋初屬濟陰郡孝武改置離狐縣兼置北濟陰郡治焉後魏因之北齊郡縣俱廢隋開皇六年更置單父縣屬曹州唐初屬戴州貞觀十七年改屬宋州光化三年置輝州於此後唐同光二年改曰單州碭郡屬京東西路金曰單州屬南京路元屬濟寧路明洪武元年以州治單父縣省入二年降州為縣屬濟寧府十八年改屬兗州府本朝因之雍正十三年改屬曹州府

城武縣 在府東南一百里東西距五十二里南北距七十五里東至兗州府金鄉縣界四十里西至定陶縣界十二里南至曹縣界三十里北至鉅野縣界四十五里東南至單縣界二十五里西南至曹縣界三十里東北至鉅野縣界五十里西北至荷澤縣界三十里春秋時郟國地後屬宋秦置成武縣漢屬山陽郡後漢屬濟陰郡晉屬濟陽郡劉宋屬

北濟陰郡後魏因之北齊置永昌郡治此隋初郡廢開皇十六年置戴州大業初州廢縣屬濟陰郡唐初仍屬戴州貞觀中州廢縣屬曹州光化中屬輝州五代唐屬單州宋因之元改屬曹州明洪武四年屬濟寧府尋改屬兗州府譌成曰城

鉅野縣 在府東一百四十里東西距一百十五里南北距七十里東至兗州府嘉祥縣界二十五里西至荷澤縣界九十里南至城武縣界五十里北至鄆城南至城武縣治九十五里東北至兗州府汶上縣治一百五十里西北至鄆城縣治六十里禹貢大野地漢置鉅野縣屬山陽郡晉屬高平國劉宋屬高平郡後漢屬任城郡北齊廢隋開皇十六年復置屬東平郡唐武德四年為麟州治五年州廢縣屬戴州貞觀十七年戴州廢復屬鄆州五代周廣順二年改置濟州宋亦為濟州治屬京東西路金天德二年徙州治任城縣廢元至元六年復置為

濟州治亦嘗為濟寧路治明洪武初縣屬濟寧府十八年屬兗州府濟寧州 本朝雍正二年分屬

濟寧州八年改屬曹州十三年屬曹州府 鄆城縣 在府東北一百二十里東西距八十里南

北距八十里東至兗州府汶上縣界四十里西至濮州界四十里南至鉅野縣界四十里北至兗州

府壽張縣界四十里東南至兗州府濟寧州界四十里西南至荷澤縣界五十里東北至兗州府滋

陽縣界四十五里西北至壽張縣界四十里春秋魯鄆邑漢為壽良縣地後周置清澤縣并置魯州

及高平郡州尋廢隋開皇四年郡廢改縣曰萬安十年置鄆州十八年改縣曰鄆城大業初改曰東

平郡唐武德初仍曰鄆州貞觀八年廢為縣天祐二年又改曰萬安五代後唐復故周廣順二年改

屬濟州宋金因之元屬濟寧路明初屬濟寧府洪武十八年屬兗州府濟寧州 本朝因之雍正二

年分屬濟寧州八年屬兗州府 曹縣 在府東南一百里東西距一百里南

北距九十里東至單縣界七十里西至河南歸德府考城縣界三十里南至歸德府商邱縣界六十

里北至定陶縣界三十里東南至歸德府虞城縣界七十里西南至歸德府寧陵縣界六十里東北

至城武縣界四十里西北至荷澤縣界五十里周為曹地漢為定陶縣南境魏晉因之後魏孝昌中

置西兗州興和年中增置沛郡北齊郡廢後周改西兗為曹州隋開皇六年始置濟陰縣為州治大業

初改州曰濟陰郡始自定陶移郡治濟陰唐武德初復曰曹州天寶元年又曰濟陰郡乾元元年復

曰曹州屬河南道五代晉開運二年置威信軍節度周廣順二年改曰彰信軍宋初因之建中靖國

元年改曰興仁軍節度崇寧初升為興仁府屬京東西路金天會八年復曰曹州泰和八年屬山東

州還治縣界安陵鎮二年又徙治盤石鎮四年降州為曹縣屬濟寧府十八年改屬兗州府正統十

一年又別置曹州以縣屬焉仍隸兗州府 本朝

雍正二年改屬曹州。定陶縣 在府東南四十里。東
十三年屬曹州府。西距六十二里。南北

距三十八里。東至城武縣界四十里。西至直隸大
名府東明縣界二十二里。南至曹縣界十八里。北

南至木州界二十里。東南至單縣治一百三十里。西
南至曹縣治六十里。東北至鉅野縣界四十里。西

北至荷澤縣界二十二里。唐堯初封於此。夏為三
變國。周為曹國。都春秋末屬宋。戰國屬齊。秦屬碭

郡。後置定陶縣。漢高帝五年置梁國。景帝中六年
改置濟陰國。甘露二年更為定陶國。建平二年復

為濟陰郡。後漢為濟陰國。晉改曰濟陽郡。後魏復
曰濟陰郡。北齊郡廢。隋屬濟陰郡。唐初屬曹州。貞

觀元年省入濟陰縣。宋太平興國二年改置廣濟
軍。四年復置定陶縣為軍治。熙寧四年軍廢。縣屬

曹州。元祐初復於縣置軍。金罷軍。縣仍屬曹州。元
因之。明洪武初省入曹州。四年復置定陶縣屬濟

寧府。十八年屬兗州府。正統十一年改屬曹州。仍
隸兗州府。本朝雍正二年分屬曹州。十三年屬

曹州 濮州 在府北一百二十里。東西距六十五里。
府 南北距一百里。東至鄆城縣界六十里。

西至直隸大名府開州界五里。南至荷澤縣界七
十里。北至觀城縣界三十里。東南至鄆城縣界八

十里。西南至大名府東明縣界一百五十里。東北
至范縣界四十里。西北至觀城縣界三十里。春秋

時衛鄆邑。戰國屬齊。秦屬東郡。漢置鄆城縣屬濟
陰郡。後漢末移兗州治此。晉改屬濮陽國。後魏為

濮陽郡治。後周因之。隋開皇初郡廢。十六年始置
濮州。大業初州廢。地屬東平郡。唐武德四年復置

濮州。天寶初改曰濮陽郡。乾元初復曰濮州。屬河
南道。宋曰濮州。濮陽郡屬京東西路。金曰濮州。屬

大名府路。元初屬東平路。至元五年直隸中書省
明屬東昌府。本朝雍正八年升直隸州。十三年

改屬曹州府。范縣 在府北少東一百六十里。東西距三
十五里。南北距七十五里。東至兗州

府壽張縣界二十里。西至觀城縣界十五里。南至
濮州界五十五里。北至壽張縣界二十里。東南至

鄆城縣界七十里西南至濮州界三十里東北至壽張縣界二十里西北至朝城縣界五里春秋時晉范邑漢置范縣屬東郡後漢因之晉屬東平國後魏泰常中別置東平郡治此太和未罷建義中復置北齊郡縣俱廢隋開皇十六年復置范縣屬濟北郡唐武德二年兼置范州五年州廢縣屬濟州貞觀八年改屬濮州宋金因之元初屬東平路至元二年還屬濮州明屬東昌府本朝雍正八年分屬濮州十

觀城縣 在府北一百七十里東西距二十三里南北距三十里東至范縣界二十里西至直隸大名府清豐縣界三里南至濮州界二十里北至大名府南樂縣界十里東南至濮州界二十里西南至清豐縣界二十五里東北至朝城縣界二十里西北至南樂縣界七里本古觀國春秋時為衛地漢置畔觀縣屬東郡後漢建武十三年更名衛國縣晉屬頓邱郡後魏因之隋開皇六年改曰觀城屬武陽郡唐初屬澶州貞觀十七年省大歷七年復置仍屬澶

州宋皇祐元年省入濮陽頓邱二縣四年復置屬開德府金屬開州元屬濮州明屬東昌府本朝

雍正八年分屬濮州

朝城縣 在府北二百一十里東西距四十五里南

北距五十里東至兗州府壽張縣界二十里西至直隸大名府南樂縣界二十五里南至濮州界三十里北至東昌府莘縣界二十里東南至范縣界

二十里西南至觀城縣界二十五里東北至兗州府陽穀縣界十五里西北至東昌府冠縣治九十里漢置東武陽縣屬東郡後漢初平中嘗為東郡

治建安十七年改屬魏郡三國魏改屬陽平郡晉因之後魏改曰武陽縣北齊廢後周復置武陽縣

屬魏州隋開皇十六年改屬莘州大業二年屬武陽郡唐初屬魏州武德五年又屬莘州貞觀元年

還屬魏州十七年省入臨黃莘縣永昌元年復置曰武聖開元七年改曰朝城仍屬魏州元和中改

屬澶州尋復舊天祐三年復曰武陽縣五代後唐仍改曰朝城縣宋因之崇寧四年改屬開德府金

曹州府

屬大名府。元初屬東平路。至元五年改屬濮州。明屬東昌府。本朝雍正八年分屬濮州。十三年屬曹州府。

形勢 東連大野。南距黃河。北抵濮陽。西達三輔。雖地

非險固。而控掖魯宋。在河濟之間。屹然雄鎮。縣志

風俗 人情樸厚。俗尚儒學。文獻通攷 士大夫矜廉隅。耻干

謁。民多務本。不事商賈。賦稅易完。婚喪從儉。有近

古風。舊志

城池 曹州府城 周十二里。門四。池廣四丈。明正統十

二年築。嘉靖初環城五里外。築堤防。水單縣城 周五里。門四。池廣四丈。明嘉靖五年徙築。發以磚。有護城堤。城武縣

城 周三里。門四。池廣二丈。元泰定三年築。明正德二十六年築。護城堤。鉅野縣城 周

里。門四。池廣一丈。有奇。明正德中築。有護城堤。鄆城縣城 周三里。門四。池

廣七尺。明正德中修。本朝康熙八年。十三年修葺。曹縣城 周九里。門四。池廣二丈。

明正統十一年土築。正德中築。護城堤十二里。隆慶中發以磚。定陶縣城 周九里有奇。門四。

池廣四丈。明成化元年築。正德中增設甕城。并護城堤。濮州城 周七里。門

四。池廣四丈。明景泰三年土築。嘉靖十七年發以磚。范縣城 周七里。門六。池廣一

丈。明正德六年修築。因河圯徙築於此。觀城縣城 周九里。門三。池廣二

丈。明正德八年重修。本朝康熙八年重修。朝城縣城 周五里。門四。池廣二丈。明崇禎九

年修築。本朝康熙元年重修。學校曹州府學 在府治東。本曹州學。明正統十一年建。本朝順治中修。荷澤縣

學 新設 **單縣學** 在縣治東南明嘉靖二年城武縣學
在縣治東宋時舊址元至元間修明永樂及嘉
靖間河決屢圯屢修本朝康熙二十七年葺
野縣學 在縣治東北明洪武中移建今址永樂
正德間屢修本朝康熙四十年重建

城縣學 在縣治東南宋元祐間
建明成化萬歷間增修
曹縣學 在縣治東
年建嘉靖二十八年為
河所圯邑指揮王袞建
定陶縣學 在縣治東明成
化二十二年建

本朝順治十
二年修
濮州學 在州治東南明
正德中改建
范縣學 在縣治
武中
觀城縣學 在縣治東金泰
和三年徙建
朝城縣學 在縣治
歷中建本朝
順治十五年修
重華書院 在荷澤縣南中有精一
萬歷間知州
李天植建
鳴琴書院 在單縣琴臺故址本朝
康熙三十七年建並立廟

以祀苾子賤
及巫馬期
歷山書院 在濮州東南歷山下
元歷山公千奴建

戶口 原額人丁二十一萬八千三百七十
六又滋生人丁一萬六千一百零九

田賦 田地一十四萬五千七百七十三頃七十六畝
七分零額徵地丁銀四十三萬四千九百兩六
錢三分五釐零米四萬六千三百六十九石
三斗五合零麥一千五百一十三石一斗零

山川 **荷山** 在荷澤縣東南三
十里以近荷澤名
清邱山 在荷澤縣西南
三十五里左傳

宣公十二年晉宋盟于清邱
水經瓠子故瀆又東逕清邱
大陵山 在單縣西南
五里今名上

山地勢高聳水不能鬻
山下有長堤以捍黃河
棲霞山 在單縣東五里平
霞與山色相映故名相傳梁孝王曾遊此有
詞賦鐫石李白送族弟凝回棲霞留飲處也
文亭

山 在城武縣西北二里上有文士亭
遺址其麓有雲蓋亭亦名雲亭山
高平山 在鉅
野縣

曹州府

曹州府

曹州府

曹州府

曹州府

曹州府

曹州府

曹州府

曹州府

東南五十里。東西十里。南北五里。高四里。頂上方平。故名。其東為金查山。亦曰金鄉山。與金鄉縣接界。其上有秦王避暑洞。其陽曰禹梁山。亦曰黃土山。其東北有白馬山。形如臥龍。蜿蜒而東。接嘉祥諸山。**麟山** 在鉅野縣東南四十五里。狀如伏虎。亦名焦氏山。**獨山** 在鉅野縣

里。四野平曠。屹然中起。亦金山餘脈也。**獨狐山** 在鄆城縣東北五十里。接東平州界。以孤

峯獨立而名。宋呂本中詩。淒涼**曹南山** 在曹縣南八里。俗名

匹馬。經行處。况是此山名。獨孤。土山。詩曹風南山朝。隋傳南山。曹南山也。春秋僖公十九年。宋人曹人盟于曹南。論衡大山雨天下。

小山。兩一國。曹之南山。則雨一國之山也。元和志在濟陰縣東二十里。**景山** 在曹縣

十里。水經注。黃河枝溝。自巳氏。又北。逕景山。東。即詩所謂景山。與京。又云。陟彼景山。松柏丸丸。左傳

言湯有景亳之命。是也。寰宇記。**左山** 在曹縣西北五十里。山南

景山。在楚邱城北三十八里。

即舊州治。寰宇記。左岡在濟陰城東北五里。岡阜連屬。林木交映。以近左城。故以名焉。舊志。即陶邱

之別阜。與曹州及定陶接界。相傳左邱明父葬此。**青山** 在曹縣東二十五里。縣志。青山上如

覆盂。其左有古帝者之祠。有樹盈抱。人不能名。居民嘗取土祛疫祟。**髻山** 在定陶縣

接荷澤縣界。寰宇記。古曹國葬地。自曹叔振鐸至伯陽二十五代。皆葬此。連屬十五里。髻髻如山。舊

志。山下兩陵對峙。其中**歷山** 在濮州東南七十里。接

中有隙。謂之阿谷。西南十里許。有小山。孤立峻上。亭亭傑峙。謂之歷

山。山北有小阜。南屬池澤之東北。有陶墟。郭緣生言舜耕陶所在。墟阜連屬。濱帶瓠河也。鄭元曰。歷

山在河東。今有舜井。皇甫謐曰。或言今濟陰歷山是也。與雷澤相比。元和志。歷山在雷澤縣西北十

六里。史記曰。舜耕歷山。皆讓畔。羅泌歷山考。歷山有四。雷澤不聞有二。今曹濮間有參龍井。定陶城

皆其蹤也。舊志。歷山之東。有再熟。成都二鄉。取一

種再熟三年
成都之義
箕山 在濮州東五十里俗譌為許由讓位避居處
青山 在

州東三十里下有青山坳居民
依焉其東北連屬者曰杏花岡
臥牛山 在范縣舊治西北三

里地勢高厚
延袤數里
冠石山 在朝城縣東南
金線嶺 在鄆城縣東十里許發脈

自梁山東西橫亘三十餘里
嶺多垂柳如線故名
鳳凰嶺 在范縣南三十里陵阜五六錯

綜拱列望之
若翔鳳然
馬陵 在濮州北舊志春秋成公十一年諸侯同盟于馬陵虞喜志林

鄆城東北六十餘里有馬陵澗谷深阻可以伏兵
卽龐涓敗處
按春秋傳注史記注俱云馬陵在

直隸元
項城阜 在濮州南三十里相傳項梁嘗屯兵於此漢書秦二世二年項梁大

破秦軍東阿又西破秦軍濮陽
東秦軍收入濮陽是也
黃陵岡 在曹縣西南六十里黃河

經其下宋嘉定十三年蒙古陷濟南金兵屯黃陵岡元至正十一年賈魯開黃河故道自黃陵岡南

達白茅又自黃陵西至楊青村合於故道凡二百八十里有奇岡之下卽黃陵渡二十一年察罕圖

復汴梁據黃陵渡明宏治十年河決黃陵岡壞張秋運道劉大夏乃築隄於曹單二縣以護漕河今

亦見河南
龍岡 在曹縣東北五十里
陶邱 在定陶縣西南

儀封縣
七里書禹貢濟水東出于陶邱北爾雅邱再成曰陶漢書地理志陶邱在定陶西南有陶邱亭水經

注陶邱亭在陶邱南墨子以爲釜邱竹書紀年魏襄王十九年薛侯來會于釜邱者也
敦邱

寰宇記在觀城
黃河 自河南開封府儀封縣界流入經曹縣單縣南東流入江

南徐州府碭山縣界府境河凡三徙自漢至唐宋河從今直隸開州界流入經濮州北觀城縣南東

北流經范縣西北與朝城縣接境又東北流入兗州府陽穀縣界水經注河水自濮陽東北逕衛國

縣南東爲郭口津又東逕鄆城縣北又東北逕范縣之秦亭西又東北逕委粟津左會浮水故瀆又

東逕武陽縣東范縣西又東北流爲倉亭津元和志黃河在鄆城縣北二十一里臨黃縣南三十六里朝城縣東二十九里宋史河渠志濮州有任村東西南北凡四埽此宋以前河流經府境之故道也金元以後河自今儀封縣界流入經曹縣東北流經定陶縣西南府治東南又東北流經鄆城縣西東去濮州六十里又北經范縣西又東北流入兗州府陽穀縣界今定陶縣西三十五里府治東五里鄆城縣西二十五里濮州東六十里皆有黃河故道卽其地明洪武初徐達於今府治東五里之雙河口分支流通運永樂九年疏河流東北入會通河宏治八年都御史劉大夏築塞曹縣之黃陵岡及荆隆口等七處修建長隄黃河始不復北流入運卽今河流之道經曹單二縣南俱四十里曹至單岸長九十里單至碭山岸長六十里有長隄護之是也宏治十三年河溢曹單被害正德四年河決曹縣之溫家口馮家口遂決楊家口逕曹單二縣城下直趨豐沛工部侍郎李鏗治之八年

決曹縣以西天仙廟孫家口從曹縣城北東行十年決曹縣之焦家潭十四年城武單縣二城圯於河改遷嘉靖六年決曹縣之楊家口梁靖口衝入雞鳴臺七年決曹縣胡村寺分道入運十四年都御史劉天和添築縷水隄起曹縣八里灣至單縣侯家林二十五年決曹縣溢入城武金鄉魚臺等縣二十六年河決湮沒曹縣城三十六年城復湮沒河決北大隄由城武金鄉入運三十八年四十四年復大決曹縣萬歷五年決曹縣韋家樓十五年決荆隆口衝潰曹縣白茅村長隄二十一年以後連決單縣之黃埝口三十年決單縣蘇庄三十五年決單縣東南崇禎二年決曹縣十四舖口四本朝順治元年決單縣柳河口二年決曹縣通流口總河楊方興塞之七年決荆隆口朱源寨口旋塞康熙元年決曹縣石香爐口總河朱之錫塞之八年決曹縣牛氏屯及單縣瞧龍寺總河王光裕塞之三十一年及四十二年屢經

聖祖仁皇帝巡視河工指授方畧加築曹單之太行隄河

流順軌雍正四年總河齊蘇勒奏於曹縣芝蔴庄

險工上流處所築挑水大壩一挑溜開行以免冲

刷又於所修埽工前後加魚鱗護埽其芝蔴庄大

堤後舊有月堤又接築隔堤二百八十丈北岸衛

家樓月堤後亦築隔堤五百四十丈六年添設曹

縣千總一員駐芝蔴庄單縣把總一員駐諸望壩

河流益慶安瀾矣按全河備考河北決必害魚

臺濟寧東平臨清以及鄆濮恩德南決必害豐沛

蕭楊徐邳以及亳泗歸潁其受決之處必曰曹單

其次於魚臺城武沛縣差多而亦必連曹單是南

北之間三省之會曹單為之樞的也新志境內險

要諸工曹縣則史家樓戴家樓沈家店銅奶奶廟

後梁家堤熊普廟陳家樓石香爐大王廟高家堤

單縣則趙家莊鄧家水口鄭家堤皆為最要之區宜謹防焉

魏河 在濮州南二十里自

開州流入又有淇河

溝河岸長二十五里

在州南四十里自東明縣流入小流河在州東南

五十里自荷澤縣流入舊志二河至州境舊城北

范縣界達於漕河然皆乾渠非常流也州境地最

下一遇水澇則滑縣一帶諸水由開溢入州境下

流又以運道不敢澼河 舊為河水支流在府城南

輕洩故水患獨多 二十五里自直隸東明縣

流入又東北流經鄆城縣西南四十五里又北經

濮州南又東北流入壽張縣界禹貢兗州澼沮會

同爾雅水自河出為澼元和志澼水沮水皆出濮

州雷澤縣西北平地去縣十四里州志王炎謂禹

貢澼出曹州是也黃陵之決澼為河伯所冷莊河

有今河去澼存雨水大發時可通舟楫 在曹縣

自府治東與澼河俱東北流逕鄆賈魯河 在曹縣

城縣至葛皮口流入壽張縣界 西四十

里自黃陵岡至楊青村元至正中工部尚書賈魯

所開兗州府志賈魯河即金龍決河所由入徐道

也柳河 在曹縣東南二十五里定陶縣西南十里

傳為虞舜陶處有古堤岸定陶縣志舊有

舜廟今為古瓠子河自直隸大名府開州流入經濮州南又東流經鄆城縣南

又東北流入壽張縣界史記河渠書元光中河決瓠子帝親臨塞之東南注鉅野通于淮泗後二十

歲乃發卒數萬人塞之天子自臨決河沉白馬玉璧卒塞瓠子築宮其上名曰宣房宮而河道北行

復禹舊迹梁楚之地復寧水經注瓠河水自濮陽東逕桃城南又東南逕清邱北又東逕句陽之成

陽城北都關縣故城羊里亭南為羊里水又東右會濮水枝津又東逕垂亭北又左逕雷澤北與濮

水俱東流又逕陽晉城南又逕城都城南又東逕黎邱縣故城南又東逕鄆城

縣南又東七逕范縣與濟濮枝津合寰宇記瓠子河在臨濮縣南二十里歲久堙塞

古涑河在單縣東流入金鄉縣界石晉時所開北抵濟河南通徐沛即宋之漕河也元末湮廢

古濟水書禹貢濟東出陶邱北又東北至于荷自漢以後故道有二一自今河南儀封縣界流入經曹

縣北三十里東北流逕定陶縣南謂之南濟一自今直隸東明縣界流入經府治南謂之北濟二水

至鉅野合流北經鄆城縣南又東北流入東平州界水經濟水者又東過濟陽縣北濟也又東過寬

胸縣南又東過定陶縣南南濟也濟水又東北荷水東出焉濟水又東逕秦州魏冉冢南又東北逕

定陶恭王陵南又東北逕定陶縣故城南又屈從縣東北流南濟也濟水又東至乘氏縣西分為二

南為荷水北為濟瀆北濟又東北逕寬胸故城北又東北與濮水合濟水故瀆又北右合洪水又東

北過壽張縣西界按酈注濟水至乘氏西分為二其一水南流者即荷水也其一東北流入鉅野

澤則濟瀆也又云逕乘氏縣與濟渠濮溝合是南濟為瀆北濟為渠也二水至鉅野始合又合濮水

自此不分南北通謂之濟水故瀆矣古濮水在濮

濟多伏流今自定陶以西遺跡多湮府治北水經注濮水自濮陽故城南又東逕濟陰

離狐縣故城南又東逕葭密縣故城北又東北逕

鹿城南又東與句瀆首受濮水枝渠於句陽縣故城南又東入乘氏縣左會濮水與濟同入鉅野濮水枝津上承濮渠東逕鉏邱城南又東逕浚城南而北去濮陽二十五里又東逕句陽縣西句瀆出焉又東北逕句陽縣之小成陽縣故東垂亭西而北入瓠河舊志濮水在濮州西南六十里册說洪河卽**汜水**在曹縣北四十里與定陶縣分界史記濮水高祖紀漢五年卽位汜水之陽註張晏曰汜水在濟陰界水經注汜水西分濟瀆東北逕濟陰郡南又東合於河瀆又東北逕定陶縣南又東北合黃水自河南考城縣流入經曹縣北又東逕城武縣南單縣東南又東南流入江南豐縣界水經注黃水自外黃東北逕定陶城南又東逕城武之楚邱亭北又東逕郟亭北城武南又東逕平樂故城南右合包水卽豐水之上源也豐水上承大齊陂東逕已氏又東逕單父故城南又東至平樂縣

浮水故瀆 在觀城縣南自開州流入又東合包水今故流已湮

北逕朝城縣界入河卽澶水也水經浮水故瀆東絕大河故瀆東逕五鹿之野又東逕衛國故城南又東逕河牧城而東北出

黑羊山水 在觀城縣西北自開州流入縣志水自澶濮漸流入觀明嘉靖間由黑迷寨北夾道疏兩渠以分其流時或浸城爲患後於城塹外築堤護之水從隄外稍折而東達馬頰始無泛濫之患

武水 在朝城縣北在朝城縣東十步縣志武河發源縣北八里流入聊城縣界按水經注卽古漯水

荷澤 在陶縣北禹貢導荷澤被孟諸又濟溢爲滎東出于陶邱北又東至于荷括地志荷澤在濟陰縣東北九十里定陶城東今名龍池亦名九卿陂朱史河渠志廣濟河導荷水自開封陳留曹濟鄆其廣五丈歲漕米六十二萬石按水經注南濟又東北右合河水水瀆上承濟水於濟陽縣東謂之五丈溝又東逕陶邱北尙書所謂導河水自陶邱北謂此也今本皆作河水而舊志引此條改作荷水傳

寫譌誤疑或有之然禹貢云東出陶邱北又東至荷與酈未合姑存俟考又按水經荷似濟之分流而蔡氏傳云濟陰縣自有河派舊志亦云

雷澤

在濮州東南接荷澤縣界書禹貢雷夏既澤周禮職方氏兗州其浸廬維注廬維當為雷雍字之誤也雷

夏在成陽史記五帝本紀舜耕歷山漁雷澤注鄭元曰雷夏兗州澤今屬濟陰漢書地理志濟陰郡

成陽雷澤在西北山海經澤中有雷神龍身而人頰鼓其腹則雷水經注雷澤在大成陽縣故城西

北一十餘里昔華胥履大跡處也其陂東西二十餘里南北十五里即舜所漁也元和志雷澤縣因

雷夏澤為名**鉅野澤**在鉅野縣北五里亦曰巨澤在縣北郭外

既濟周禮職方氏藪曰大野左傳哀公十四年春西狩于大野杜預注大野在高平鉅野縣東北大

澤是也爾雅十藪魯有大野水經注鉅野湖澤廣大南通洙泗北連清濟舊縣城正在澤中衍東北

出為大野矣昔西狩獲麟於是處也寰宇記南北三百里東西百餘里一名大野澤縣志五代以後河水南徙匯於鉅野連南旺蜀山諸湖

靈聖湖

在澤縣南四十五里土阜下有穴穴中有水相傳昔人失物於濟水伏流處至此得之以為靈異

蠡湖

在定陶縣西南隅池窪下多水俗傳為陶朱公養魚所

大禰溝

在荷澤縣西南

二十里詩邶風飲餞於禰即此寰宇記大禰溝在曹州寃句縣北七十里王應麟詩考禰韓詩作坻

州志大禰溝亦名寃**黃水枝溝**在定陶縣東水經注俗謂之界溝北

水漢寃句縣以此名**黃溝**在觀城縣北逕元氏故城西又北逕景山東又

北逕楚邱城西又東北至成武臨黃縣以北臨黃溝因為名寰宇記在臨黃縣之北西自觀城縣流入東有山支水出焉東入虎

掌溝又東**胡柳陂**在濮州西南通鑑梁昭明四年南入黃河晉王存勗自濮州引兵西營於

胡柳陂 胡三省注陂在濮州西南臨濮縣界地理志胡柳陂濮陽地名去陂西十里有馬軍寨土人

鵠為黃柳陂 大張陂 在觀城縣北十里其地窪下每遇雨潦即成巨浸 大瀦潭 在

在范縣東南五十里相傳即大野澤之餘流也府志潭久涸雨潦即成巨浸 黑龍潭 在

縣南十五里相傳潭有龍龍能興雲雨宋熙寧中禱雨有應封其神為妙應立廟於潭之北 古龍

潭 在觀城縣東南十三里濼洞於馬陵隄之陰四野之水藉以為壑盈則順堤而東由范縣入竹

口 虎牢池 在荷澤縣西南三十里亦名龍湫四壁突起即呂都也內有深淵廣可三頃大

旱不竭禱雨輒應 放鶴池 在觀城縣西南三十五里接直隸清豐縣界今名四角池寰宇

記觀城縣放鶴池相傳衛懿公養鶴之所 呂井 在單縣有二井一在城北隅一在城南相傳金

大定間呂仙翁來遊水初苦澁擲瓦磔其中遂甘冽二井相去二里許

古蹟乘氏故城

今府治後魏縣也漢乘氏在鉅野縣界宋廢後魏太和十二年復置取漢

故乘氏縣為名隋屬濟陰郡唐屬曹州元和志乘氏縣南至曹州五十四里金志大定八年遷曹州

治於古乘氏城金史康元弼傳河決曹濮遣元弼相視改築於北原明洪武元年省縣入州又以水

患徙安陵集二年徙盤石鎮今為曹州府治 呂都故城 在荷澤縣西南

郡州志漢呂后割濟南郡為呂國封呂台為王此其所都也後漢省入宛句延熹二年封尚書令虞

放為宛句呂都亭侯是也今 宛句故城 在荷澤縣

名呂陵集在府西南三十里 屬濟陰郡亦作宛胸景帝封楚元王子執為宛胸

侯史記黃帝得寶鼎宛胸是也晉屬濟陽郡魏仍屬濟陰郡隋因之唐屬曹州乾符初黃巢倡亂於

此宋元祐元年改曰宛亭縣屬興仁府金圯於河 葭密故城 在荷澤縣西漢置縣屬濟陰郡後漢省

離狐故城

在荷澤縣西北。秦置縣。漢屬東郡。後漢屬濟陰郡。晉屬濟陽郡。宋屬北濟陰郡。

後魏因之。北齊廢。隋開皇六年更置。名單父。唐初復曰離狐。天寶元年改曰南華。屬曹州。宋屬興仁府。金省。明統志。離狐。

句陽故城

在荷澤縣北。春秋時宋穀邱邑。春秋

桓公十二年公會宋公燕人盟於穀邱。左傳盟於句瀆之邱。註卽穀邱也。漢置句陽縣。屬濟陰郡。後

漢省。寰宇記。句陽故城在乘氏北三十五里。舊志今名句陽店。

單父故城

在單縣南一里。

春秋時魯邑。宓子賤巫馬期皆嘗爲邑宰。秦置單父縣。屬碭郡。史記。呂后父呂公。單人也。後漢建武

十三年封劉茂爲侯邑。明始改爲單縣。嘉靖二年以河患移於今治。

平樂故城

在單縣東

四十里。漢建昭帝元年封梁敬王子遷爲平樂侯。國屬山陽郡。後漢省。水經注。黃溝逕平樂故城南。

魏書地形志。離狐有平洛城。寰宇記有漢平城在單父縣東四十里卽平樂城也。

郟成故

城 在城武縣東南十八里。本周時郟國。富辰所謂郟雍曹滕文之昭也。後附庸於宋。春秋隱公十

年公敗宋師于菅。取郟。漢置郟城縣。屬山陽郡。後漢省入城武。魏書地形志。北濟陰郡城武治郟城。

水經注。黃溝逕成武縣故城南。又東北逕郟城北。春秋桓公二年經書取郟。大鼎於宋。十三州志曰。

今成武縣東南有郟城。俗謂之北部者也。又洩水東逕孟諸澤。東北逕郟城縣故城南。地理志曰。山

陽縣也。王莽更名之曰郟城矣。故世有南部北部之論也。又東逕單父故城南。寰宇記。南部在北部

南二里。按今本漢志有郟城縣。無郟城縣。與水經注不同。水經注以在城武東南爲宋邑。謂之北

郟。在單縣之西爲漢縣。謂之南部。相去亦不止二里。寰宇記則以水經注之北部爲南部。謂卽漢縣

而北部不知所在。

秬縣故城

在城武縣西北。漢縣。屬濟陰郡。武帝征和二年封商邱成

爲侯邑。又昭帝始元二年封金日磾爲秬侯。後漢省入成武縣。孟康曰。成武縣有秬城。元和志。故城

曹州府

在成武縣西 **鉅野故城** 在鉅野縣南舊志元至正北二十九里

徙路於濟州徙鉅野於城 **古鄆城** 在鄆城縣東十北邢家務蓋卽今縣治 六里魯西境邑

亦曰西鄆左傳成公四年鄆城註鄆魯西邑東郡廩邱縣東有鄆城公羊傳作運京相璠曰廩邱縣

東八十里有鄆城郡國志廩邱有運城自後縣皆治此金志濟州鄆城大定六年徙治盤溝村以避

河決卽 **黎縣故城** 在鄆城縣西春秋時黎國地詩今治也 序黎侯寓于衛左傳哀公十一

年衛太叔疾置其妻之娣于犁犁黎古字通也漢文帝封召奴爲黎侯後爲黎縣屬東郡孟康曰卽

詩黎侯國水經注瓠河東逕黎縣故城南世謂之黎侯城昔黎侯寓衛作詩曰胡爲乎泥中毛云泥

中邑名疑卽此城元和志 **楚邱故城** 在曹縣東南黎城在鄆城西四十五里 春秋時已氏

戎邑已氏戎人姓漢置已氏縣屬梁國後漢屬濟

陰郡晉屬濟陽郡後魏末改屬沛郡北齊郡縣俱廢隋開皇六年改置楚邱縣屬梁郡唐屬宋州宋

屬應天府金屬歸德府後改隸單州元歸曹州明洪武初省入又春秋左傳隱公七年戎伐凡伯于

楚邱僖公二年諸侯城楚邱以封衛又詩衛風定之方中作于楚宮漢志成武縣有楚邱亭齊桓公

所城遷衛於此元和志楚邱故城在楚邱縣北三十里 **蒙澤故城** 在曹縣南

貫地春秋僖公二年秋九月齊侯宋公江人黃人盟於貫註貫宋地梁國蒙縣西北有貫城貫與貫

字相似漢元帝封梁敬王子宣爲貫鄉侯隋初爲濟陰縣地開皇六年分置黃縣於此十八年改爲

蒙澤縣大業初廢唐武德四年復置蒙澤縣屬曹州貞觀初廢入濟陰括地志貫城今名蒙澤城在

濟陰縣南 **薄縣故城** 在曹縣南二十餘里曹南山五十六里 之陽古北亳邑漢志山陽郡

薄縣注如淳曰薄縣卽亳也後書梁節王暢傳建初四年以濟陰之薄益梁郡國志薄縣屬梁國湯

所都也。晉省杜預左傳註蒙縣西北有薄城帝王世紀蒙有北亳寰宇記亳城在楚邱縣西北伊尹墳西。濟陽故城舊唐書地理志武德四年分宛句

宛句。兗州府志濟陽城在曹縣西南五十里。濟陰故城在曹縣西北本

帝時葬定陶共王於此。謂之葬城。世謂之左城。以

在左山南也。後魏謂之孝昌城。地形志西兗州孝

昌三年置。治定陶城。後徙左城。領郡二。沛郡濟陰

郡。又沛郡。興和二年置。治孝昌城。後齊郡廢。後周

為曹州治。隋改置濟陰縣於此。仍為曹州治。金大

定八年。城為河所沒。遷曹州治。古乘氏縣。并濟陰

縣亦移治焉。定陶故城在定陶縣西北四里。周武

而故城。遂墟。王弟振錡封於曹。以為都

邑。春秋哀公八年。宋滅曹。遂為宋邑。十四年。宋向

魋入于曹。以叛。亦曰陶。史記范蠡居陶。自謂陶朱

公。戰國策楚人說頃襄王外擊定陶。則魏之東外

棄。又秦穰侯邑於此。所謂侵剛壽以廣其陶邑者

秦置定陶縣。漢五年。彭越為梁王。都定陶。後為濟

陰郡治。唐省為定陶鎮。元和志古曹國在濟陰縣

東北四十七里。即定陶也。寰宇記周廣順中。於定

陶建廩庾。權鹽鹺之利。宋乾德元年。東疏荷水。轉

鄆城故城

在濮州東二十里

春秋衛邑。春秋莊

武四年。徙於今治地。

鄆城故城

在濮州東二十里

春秋衛邑。春秋莊

武四年。徙於今治地。

鄆城故城

在濮州東二十里

春秋衛邑。春秋莊

武四年。徙於今治地。

鄆城故城

在濮州東二十里

春秋衛邑。春秋莊

武四年。徙於今治地。

鄆城故城

為濮陽郡治。隋開皇初郡廢。十六年置濮州。大業二年廢濮州入東平郡。唐武德四年討平王世充。重置濮州。鄆城縣後皆為州郡治。寰宇記濮州濮陽郡。今理鄆城縣。東至鄆州一百八十里。南至曹州二百十五里。北渡河至魏府一百六十里。州志即濮州舊城。明正統十三年為河水所壞。景泰二年徙。成陽故城。在濮州東南。與曹州接界。史記堯今治。成陽。即此。又秦昭襄王十七年。成陽君入朝。又沛公西畧地。道碭至成陽。與杠里。又曹參擊王離於城陽南。皆此城陽也。漢曰成陽縣。屬濟陰郡。高祖封奚意為侯邑。後漢仍為縣。和帝永光二年封皇弟淑為成陽王。六年國除。晉屬濟陰郡。後魏屬濮陽郡。北齊廢。隋開皇十六年復置。更名雷澤。屬東平郡。括地志雷澤縣本漢成陽縣。古成伯國。周武王封弟叔武於此。後遷於城之陽。故名。元和志濮州雷澤縣西北至州九十里。宋因之。金貞元二年省為鎮入鄆城。按成或作郿。又譌作城。皆非是。

城都故城

在濮州東

南。漢河平二年封王商為侯國。屬山陽郡。後漢省。

都關故城

在濮州東南。秦置縣。漢屬

山陽郡。史記周勃擊秦軍。追至濮陽。下鄆城。攻都關。定陶是也。後漢省。水經注。瓠子北有都關縣故城。

臨濮故城

在濮州南六十里。隋開皇十六年析雷澤置臨濮縣。大業初省入唐。武德

四年復置。屬濮州。元和志縣北至州六十里。分鄆城南界雷澤西界置。以臨濮水為名。宋因之。金貞元二年廢為鎮。入鄆城。或謂之小濮。蒙古南侵嘗駐兵於小濮。即此。今為臨濮集。又長城廢縣亦在州南。舊唐書武德四年析臨濮置長城縣。明年復并入焉。是也。

范縣舊城

在今范縣東南

春秋屬晉。為范武子士會邑。戰國屬齊。孟子自范之齊。是也。漢置范縣。屬東郡。水經注。瓠河自鄆城東北。東南逕范縣故城南。漢興平中。靳允為范令。曹太祖征陶謙於徐州。張邈迎呂布。郡縣響應。程昱說允曰。君必固范。我守東阿。田單之功可立。即斯邑也。北齊縣廢。隋復置。唐屬濮州。元和志濮州

范縣西南至州六十里。縣志明洪武十三年。河決城壞。徙今治。卽唐莊宗新軍柵地也。舊城在縣東南二十里。城墟如故。一塔孤存。風景較今治爲勝。

廩邱故城

在范縣東南。春秋時齊邑。

左傳襄公二十六年。公侵齊。攻廩邱之郛。哀公二十年。公會齊人於廩邱。二十四年。賊爲會。晉師取廩邱。注。今東郡廩邱縣故城是。史記齊宣王五十年。田會以廩邱叛。入趙。趙敬侯三年。救魏于廩邱。大敗齊人。漢置廩邱縣。屬東郡。後漢屬濟陰郡。晉屬濮陽國。嘗爲兗州治。後魏屬濮陽郡。水經注。瓠河之北。卽廩邱縣也。隋屬鄆州。大業初。省入鄆城縣。唐武德四年。又析雷澤縣置廩城縣。屬鄆州。

八年。省。寰宇記。廩邱故城在雷澤縣北。縣志。城在縣東南七十里。義東保。畔觀故城。在城縣西。本古觀國。左傳昭公元年。趙孟曰。虞存。三苗。夏有觀。扈。杜預註。觀國今頓邱。衛縣。楚語。士亶曰。啟有五觀。注。啓子太康昆弟也。觀音灌。史記田齊世家。魏惠王獻觀以和。又平準書。河決觀。以其

地臨河津。亦曰觀津。穰侯傳。取趙氏觀津。樂毅傳。趙封毅於觀津。皆卽此地。漢置畔觀縣。屬東郡。後漢建武十三年。改封周後姬常爲衛公。國于此。因曰衛國縣。晉改入頓邱郡。水經。河水東逕衛國縣故城南。古斟觀。隋復改曰觀城。屬武陽郡。唐初屬澶州。貞觀元年。與州俱廢。大歷七年。析樂昌。臨黃二縣。復置於觀城店。元和志。澶州觀城縣。西至州二十四里。寰宇記。在澶州東北七十里。九域志。在澶州東九十里。按觀城以寰宇記九域志至州道理考之。蓋累徙而東。非漢唐故縣矣。

臨黃 故城。在觀城縣東南。後魏初置。地形志。頓邱郡臨黃。真君三年。併衛國。太和十九年。復北齊省。隋開皇六年。復置。屬武陽郡。唐書地理志。武德五年。以臨黃屬莘州。貞觀元年。州廢。縣還故屬。元和志。澶州臨黃縣。西至州六十七里。漢觀縣地。後漢改觀縣爲衛縣。後魏孝文帝分衛縣置臨黃縣。以

北臨黃溝。因以爲名。大歷初。又割屬澶州。寰宇記。臨黃廢縣。在觀城縣東七十二里。舊志。臨黃集在

曹州府

曹州府

曹州府

州東武陽故城 在朝城縣西漢置縣地理志東郡北東武陽注應劭曰武水之陽也後

漢初平二年袁紹表曹操為東郡太守治武陽又

經注漯水逕武陽新城東曹操所治又東北逕武

陽縣故城南臧洪治此晉永嘉初兗州刺史荀

破盜汲桑于東武陽是也後魏曰武陽縣隋因之

唐曰朝城屬魏州元和志魏州朝城縣西北至州

一百里宋史河渠志明道二年徙大名之朝城

縣於社婆村縣志故朝城縣在今縣西四十里

乘氏廢縣 在鉅野縣西南春秋時乘邱地莊公十年

伐趙取乘邱史記周安王二年三晉伐楚至乘邱

而還漢置乘氏縣屬濟陰郡景帝封梁孝子買為

侯邑應劭曰乘氏故乘邱也後漢和帝封梁商為

乘氏侯晉屬濟陽郡寰宇記漢乘氏故城在鉅野

縣西南五十七里後魏太和中移治句陽縣界而

故縣遂廢隋開皇十六年又析鉅野置乘邱縣大

業初河上廢縣 在觀城縣東北後漢志衛國縣有

復省河上縣於此 煮棗城 在荷澤縣西南史記蘇秦說

大業初省入 魏襄王曰大王之地東有淮

潁煮棗注徐廣曰在宛旬又樊噲從攻項籍煮棗

後漢志濟陰郡宛旬有煮棗城水經注北濟自濟

陽縣北東北 大鄉城 在荷澤縣北魏書地形志乘

逕煮棗城南 氏有大鄉城寰宇記大鄉故

城在乘氏縣西北三里故老言古之

鄭城也金史地理志濟陰縣有鄭城 重邱城 在荷

東北左傳襄公十七年衛孫蒯田于曹隧飲馬于

重邱寰宇記城在乘氏縣東北三十一里一名廩

邱 戎城 在荷澤縣西南春秋隱公二年公

會戎于潛注濟陽縣東南有戎城 梁邱城

在城武縣東北二十五里與金鄉縣接界魯西南

境邑也春秋莊公三十有二年宋公齊侯遇於梁

邱註在高平昌邑縣西南漢書地理志昌邑有梁

邱鄉後漢書郡國志有梁邱城括地志城在成武

曹州府

曹州府

曹州府

曹州府

曹州府

曹州府

縣東北三十二里。陽晉城 在鄆城縣西。故衛邑。戰國策張儀說楚曰。秦劫衛取陽晉。則趙

不南。水經注。陽晉城在廩邱東南十餘里。與都關為左右。括地志。城在乘氏縣西北三十七里。安

陽城 在曹縣東。史記項羽本紀。宋義救趙。行至安陽。不進。又傳。寬傳。從攻安陽。註。今宋州楚邱

縣西十里。安陽故城是也。魏書地形志。沛郡已氏有安陽城。寰宇記。安陽城在楚邱縣北三十里。

三醜城 在曹縣西南。即三醜國。尚書大傳。夏師敗績。湯從之。遂伐三醜。孔安國傳。即今定陶

後漢書郡國志。定陶有三醜亭。元和志。三醜亭在濟陰縣東北四十里。寰宇記。在定陶縣東北二十

里。安陵城 在曹縣西北五十里。水經注。秦相魏冉卒于陶。因葬焉。世謂之安平陵。後因置

安陵鎮。明洪武初。嘗移州治於此。莘故城 在曹縣北。史記。夏本紀。伊尹耕于有莘之野。元和志。莘仲故城在濟陰縣

東南三十里。古莘國也。新志。縣北十八里有莘塚。

集 荆城 寰宇記。在定陶縣東北二十里。戰國時。龐涓與孫臏相持處。又十里。為孟海公城。隋

末。孟海公陷曹州時所築。縣志。今為荊州店。堯城 括地志。故堯城在鄆

記。在鄆城縣東北五里。州志。在濮州東南三十五里。偃朱城 括地志。偃朱故

城在鄆城縣西北十五里。即舜避丹朱處。舊志。城在濮州南。本名朱家阜。洮城 在濮州南

八年。公會王人。齊侯。宋公。衛侯。許男。曹伯。陳世子。欵。盟於洮。注。洮。曹地。左傳。僖公三十一年。分曹地。

自洮以東南。傳於濟水。經注。瓠子故瀆。東逕洮。城南。今鄆城西南五十里。有桃城。或謂之洮也。羊

角城 左傳。襄公二十六年。齊烏餘以廩邱奔晉。襲衛羊角。取之。注。今廩邱縣所治。羊角是。晉書

地理志。廩邱有羊角城。水經注。廩邱縣南。瓠河北。有羊角城。京相璠曰。衛邑也。縣志。在范縣南七十

里。一名高魚城 在范縣東南。與鄆城縣接界。左傳。襄公二十七年。齊烏餘襲我高魚

注高魚城在廩邱縣東北後漢書郡國志廩邱有高魚城水經注今廩邱東北有故高魚城俗謂之交魚城謂羊角為角逐城皆非也通鑑梁朱友恭敗朱瑄於高橋胡三省註即高魚也

顧城 在范縣南三十里詩商頌韋顧既伐元和志故顧城在范縣東二十八里夏之顧國也 中城

在范縣南春秋成公九年城中城 諸馮 在荷澤縣南五十里

注魯邑也在東郡廩邱縣西南 姚墟 在濮州南孝經

相傳即舜生處又舜井在縣東北二十五里路史曹濮間有舜參龍井 援神契曰舜生於姚墟應劭曰與雷澤相近水經

注雷澤東北有陶墟郭緣生言舜耕陶所在括地志在雷澤縣 獲麟堆 在鉅野縣東十二里 桂陵 在荷澤縣東

東三十里 記齊田忌大破魏師於桂陵寰宇記乘氏縣有桂陵即田忌破魏處 漢祖壇 在定陶

十里 漢書高祖即皇帝位汜水之陽注張晏曰在濟陰界取其泛愛洪大而潤下也師古曰據叔孫

通傳曰為皇帝於定陶則此水在濟陰是也寰宇記在縣東北二十里 項城阜 在定陶縣

北三十里楚項梁破章邯屯兵處其地有高阜 呂堦村 在單縣南寰宇記

漢平城南六十里 戚姬村 在定陶縣北十五里漢戚

里有呂嫪村 高帝畧地至定陶獲 行臺村 在濮州東北五伐梁

焉縣今有戚嫪村 麻城渡梁將賀瓌等屯濮州北行臺村相持不戰

五年賀瓌攻德勝南城為晉將李建極所敗退保行臺村即此地又州西北有潘張村即 古咸亭 在

梁王彥章破德勝南城進攻潘張村也 野縣南左傳桓公七年焚咸 古耶亭 在鉅野縣西

邱註高平鉅野縣西有咸亭 古秦亭 在范縣南左傳定公

十三年齊侯衛侯次於垂葭實耶 氏註高平鉅野縣西南有耶亭 春秋莊公三十一年築臺於秦注東平范縣西北

有秦亭水經注瓠河受河於范縣西北東南逕秦

亭南按地形志東平郡與范縣俱治秦城即秦亭也

駐蹕亭 在城武縣西北漢高帝駐蹕於此斷碑

琴臺 在單縣東南一里舊城北寰宇記琴臺在單父縣北一里高三丈即子賤

彈琴之所 **半月臺** 在單縣東舊城東唐少府陶沔所築李白詩陶公有逸興不與常人俱築

臺像半月迥 **聽政臺** 在單縣舊城南一作聽訟臺寰宇記巫馬期碑在單父縣

出高城隅 **聽訟臺** 在定陶縣北五里亦曰梁王臺相傳

聽訟 **彭越臺** 彭越所築今高阜隆起即故址也

會臺 在濮州東南二十五里州志春秋齊桓公再會諸侯于野即此

莊周釣臺 在濮州東志莊子釣臺在州東南九十里古濮水所經亦名南華觀

陳思王臺 在濮州東寰宇記在鄆城縣西二十里曹植為鄆城侯因築臺於此

歸來園 在鉅野縣南宋晁宮還家葺歸來園自號歸來子

懷賢堂 在城武縣治內宋王禹偁嘗佐此邑邑人思之因構

堂一賢堂 在朝城縣南門外明統志漢末臧洪守東郡為袁紹所害司馬陳容奮而起曰

仁義豈有常蹈之則為君子背之則為小人紹亦害之後人為立此堂以祀之

清風觀明月樓 北史邢邵為西兗州刺史繕修觀宇頗為壯麗皆為之名題有清風觀明月樓而不據公

私舊志 **披雲樓** 在曹縣北宋陳師道有記

子賤碑 志勝在單縣在曹縣 **高適詩于焉見層碑突兀長城東**

關隘盧津關 在濮州西北與觀成縣分界舊為黃河所經水經注鄆城在河南十八里河南

岸有新城宋寧朔將軍王元謨前鋒入河所築北岸有新臺鴻基層廣高數丈衛宣公所築大河經此謂之盧津關臺東有小城崎嶇臺側臺址枕河俗謂之底閣城疑故關津都尉治也元和志盧津關今名高陵津在臨黃縣東南三十五里 **水保巡司** 在范縣東南七十里其地濮鄆雜處

舊為水保寨明**安陵鎮**在曹縣西北水經注秦相
置巡司今仍設魏冉卒於陶因葬焉世謂

之平安陵舊因置安陵鎮明洪武初為曹州
治尋移治於盤石鎮遂設巡司於此今仍舊

鎮在曹縣東南三里亦曰南盤石
宋元時以今縣治為北盤石

六十里宋史河渠志五丈河下接濟
州合蔡鎮九域志鉅野有合蔡鎮

南唐景福初朱全忠擊天平帥朱瑄屯軍瓠河即
此九域志雷澤縣有瓠河鎮又鄆城縣有張郭二

鎮臨濮縣
有徐村鎮

安定鎮在范縣界金史地理志
濮州范縣鎮一安定

武鄉鎮在觀城縣界金志
觀城鎮一武鄉

王村寨今濮州治州志後唐同
光四年指揮使潘環守

王村寨以薊粟數百萬附李嗣源於大梁
即此明景泰二年知州毛晟遷州治于此

第五寨在范縣東三十里縣志梁王彥章率兵拒唐列寨
以守此為第五寨又北寨在今縣北半里後唐莊

津梁

宗新軍寨地也今
為民居湊集之地

雙河閘橋在荷澤縣東五里又新閘
橋在縣東二十里皆孔道

杜家河橋在單縣
縣北

望仙橋在單縣東亦名漢
河橋跨涑水河

豐樂橋在城武縣東堤口通金鄉縣又文明橋在
縣東南堤口通單縣新河橋在縣北堤口

秦梁橋在鉅野縣金山之西俗
傳秦始皇東遊時所造

潘溪渡橋在
野縣

文盛橋在鄆城縣東
三十五里

周橋在曹縣東北隋大業九年濟陰孟海公作亂據周
橋尋據曹戴二州唐武德四年竇建德克周橋擒

魏河橋在濮州南二十里又州
東有永濟石橋跨魏河

水保海公戴州即
今城武縣也

邢家橋在范縣南四十里洪
魏二河合流處為濟

河橋在范縣東南七
十里巡檢司西

鄆曹濮 倉亭津 在范縣東北古大河濟渡處久湮水經注河水於范縣東北流為倉

亭津述征記曰倉亭津在范縣界去東阿六
十里魏土地記曰津在武陽縣東北七十里

堤堰太行堤

在曹單二縣南舊名南長堤西自河南儀封縣界入境起芝蔴庄東至江南徐

州豐縣界在曹縣境八十里單縣境七十里明宏治十年都御史劉大夏創築以防護河流其後歷

年增修每三里設一鋪夾 縷水堤 在曹單二縣太行堤植柳遠望如雲山之勢 行堤之南俗名

二堤北距太行堤南距臨河堤各十里許自曹縣遙月堤起東至江南豐縣界長一百二里明季所

築舊為河防首重之堤後改攔 臨河堤 在曹單二水壩為臨河長堤而此堤次之 縣縷水堤

之南黃河北岸初為攔水壩斷續不一惟險要處增築以護縷水堤者明季於諸闕處州屬成長堤

本朝歷年修築名臨河堤在單縣境者計六十里在曹縣境者舊堤凡十有七 本朝加增月堤凡二

十有 舊老堤 在曹縣西自直隸東明縣白茅村東南至遙月堤長八十八里今多殘缺

又北大堤在縣北自魏家灣起至城武縣句村集止在縣境者長六十二里又攔水壩堤在縣東自

劉家樓起至單縣大壩止長五十里縣境長堤有四所謂北大堤太行堤縷水堤攔水壩是也 濟

堤 在曹縣北 護城堤 在城武縣城外明嘉靖間築以防河患城之南即黃河舊

堤增築西自曹縣界東抵大雙堦集延袤 金堤 在凡三十餘里其東西北三面並環抱縣城 濮

州南迤西而東北抵東阿 馬陵堤 在觀城縣東南之安平鎮即漢堤故址也 五十里又五里

接濮 黃河渡 在曹縣境內凡二百二十餘里渡口有六曰武家口曹家口王家口蔚邢

口劉家口李家口皆津要處

陵墓唐堯陵

在荷澤縣東北五十里舊雷澤城西與濮州接界高四丈五尺廣二十餘丈上

有廟呂氏春秋堯葬穀林漢書地理志成陽有堯
冢靈臺劉向曰堯葬濟陰邱隴後漢元和二年東
巡狩遣使祀堯于成陽靈臺又延光三年復使使
者祀焉皇覽云堯冢在濟陰成陽皇甫謐云穀林
即成陽也水經注成陽城西二里有堯陵陵南一
里有堯母慶都陵皆立廟四周列水潭而不流水
澤通泉泉不耗竭至豐魚筍不敢採捕前並列數
碑栝柏數株檀楨成林二陵南北列馳道徑通皆
以磚砌之堯陵東城西五十餘步有中山夫人祠
堯妃也石壁階墀仍舊南西北三面長櫟連蔭扶
踈里餘自漢迄晉二千石丞尉多刊石述敘元和
志陵在雷澤縣西三里文獻通考曹州東北有堯
冢歐陽修集古錄載後漢濟陵堯母慶都靈臺廟
請勅本州致祭置守陵五戶自金末河決其祠移
於東平州蘆泉山之陽然堯陵自在曹濮之間不
在東平也宋神宗熙寧元年知濮州韓鐸言堯陵
在本州雷澤縣東穀林山陵南有堯母慶都靈臺
廟請勅本州致祭置守陵戶俾奉洒掃詔給守陵

五戶則堯陵有確據矣

商湯陵

在濮州南土山陵有廟祀湯以伊尹萊朱配皇覽湯冢在

濟陽薄縣冢四方八十步高七步上平按今廟祀在偃師又見河南府

漢定陶恭皇

陵在曹縣西北五十里濟陰城北哀帝追尊王為恭皇周邱為城以為陵邑水經濟水又東北徑

定陶恭皇陵南 丁太后陵

在曹縣恭皇陵側舊志漢哀帝建平二年起丁太后陵於恭王

之園送葬定陶王莽時貶號丁姬掘平其塚時有羣燕數千啣土投丁姬窰中今墳冢巍然有二碑

世謂之長隧陵蓋後漢時改築

古蚩尤墓

元和志在鉅野縣東北九里皇覽曰鉅野縣有

蚩尤肩髀冢黃帝殺蚩尤於涿鹿之野身體異處故別葬焉

夏莘仲君墓

在曹縣北

十八里莘仲集

商伊尹墓

在曹縣東南楚邱城西二十餘里墓前有廟皇覽已氏城有平

和鄉鄉有伊尹冢寰宇記在楚邱城西十四里

萊朱墓

在曹縣南十里俗名宋天塹舊有萊

朱**殷比干墓** 在鉅野縣西南 二十里 上有祠 **周曹叔振鐸墓** 在定陶縣

髯山曹伯十五世咸葬於此 **仲山甫墓** 在荷澤縣東北堯陵之東與濮州接界水經注

中山夫人祠南有仲山甫冢塚西有廟石羊虎破碎畧盡 **左伯桃墓** 范縣東南

五十里 **子臧墓** 在曹縣安陵集 **甯武子墓** 在荷澤縣西北

新安村 祠今為 **士會墓** 明統志在范縣東三十里 **衛靈公墓** 魏書地形

水所沒 衛國有衛靈公冢元和志在觀城縣東南四十二里 **閔子騫墓** 寰宇記在范

里孟邨又濟南亦有墓 **子夏墓** 在荷澤縣北十里有高阜 土人稱為卜壘墓前有祠 **仲**

弓墓 在曹縣東北五十里冉壘村墓前有冉子祠 明宏治間知縣鄒魯建又范縣西北二十五

里有仲 **左君墓** 在曹縣西北左山上相傳左邱明父葬此墓前有祠宋盛琳撰碑

陶朱公墓 在定陶縣東北五里 按肥城縣志皆在陶山稱朱公墓在焉水經注所指則

此 **扁鵲墓** 元和志在朝城縣羅城西北隅 **田子方墓** 在范縣東南六十里 **慎**

到墓 在曹縣寰宇記在濟陰西南四里 **魏冉墓** 在曹縣冉壘村世謂之安平陵水經

濟水又東經秦相魏冉冢南 按冉為相封於獲益封陶後免相就封邑卒於陶葬焉 **項梁**

墓 在定陶縣北五里 **漢戚姬墓** 在定陶縣東北十五里地名戚壘 **彭越墓**

在鉅野縣東南 **寶氏冢** 在觀城縣南八里明統志寶后父冢也 **魯恭墓**

在鉅野縣東南 **臧洪墓** 在朝城縣西南二里 **三國魏王粲墓**

在濮州南元和志在任城縣南五十二里 **董昭墓** 在曹縣寰宇記在濟陰縣東二十里 **唐**

魏長賢墓 在觀城縣東南元和志墓在臨黃縣南十五里貞觀七年追贈定州刺史即魏

徵父 **劉祥道墓** 在觀城縣東十五里薛家屯 **五代梁葛從周墓**

在濮州舊 **宋李廸墓** 在濮州東南三十里 **畢士安墓** 在觀城縣西南

二里 **元王國賓墓** 在觀城縣東二里 **楚惟善墓** 在朝

東二里 **明李秉墓** 在曹縣東北三十里 **劉忠墓** 在濮

八十里 **汪東墓** 在朝城縣西南一里

祠朝帝堯廟 在荷澤縣東北六十里故雷澤城西下

濟陰太守孟郁修廟碑一為建寧五年成陽靈臺

碑一為熹平四年堯廟碑一為熹平四年成陽靈臺

碑 **帝舜廟** 在濮州東北五十里歷山土 **明湯王廟**

在曹縣南 **盤庚廟** 在曹縣西南 **濟瀆祠** 在濮州

曹南山 **伯祠** 在曹縣西南三十里武家口 **明天妃廟** 在曹

晉日祀 **曹叔廟** 在定陶縣北十二里髡山祀曹叔

海神 **宓子賤廟** 在單縣魏書地形志離狐有

三月二十 **宓子賤廟** 在單縣魏書地形志離狐有

八日致祭 **莊子祠** 在荷澤縣西北四十

里唐大中九年重建又二賢祠在舊城北 **澹臺子**

臺上宋慶歷四年建祀宓子賤巫馬期 **羽祠** 在曹縣東北三

初 **扁鵲祠** 在曹縣東南四十里 **華陀祠** 在荷澤縣

建 **卞公祠** 在荷澤縣明萬歷間 **園客祠** 寰宇記在曹

祀知州吳邦相周 **王孟二侯祠** 王祠在府城望岳門外祀知州王圻

孟祠在曹縣東街祀知縣孟習孔明萬歷間建曹苦賦累圻與習孔平之故祀焉

寺觀興化禪院 在荷澤縣南五十里隋仁壽中建初號法源寺有寶乘塔宋慶歷中重建

太清觀 在曹縣莘仲 **瑞雲宮** 在曹縣楚邱舊名寶元觀元至元中賜今

名 **大豐寺** 在曹縣西五十里塔灣鎮有大乘塔石刻云大唐貞觀某年尉遲恭奉勅監修

寧國寺 在朝城縣治西唐貞元間建寺有古塔及石燕井金蓮池

名宦漢蕭由 蘭陵人望之子成帝時舉賢良為定陶令 **寒朗** 薛人肅宗時舉孝廉遷濟

陽令以母喪去官百姓追思之章和初上東巡過濟陽吏人上書陳朗前政治狀帝至梁召見朗詔

三府為 **第五種** 長陵人永壽中拜高密侯相以能換為衛相 **臧洪** 射陽人獻

帝時為青州刺史袁紹歎其能徙為東郡太守治東武陽曹操圍張超於雍邱洪欲救超而紹不聽

由是怨紹絕不與通紹與兵圍之洪自度不免呼吏士謂曰袁紹無道所圖不軌洪於大義不得不

死諸君可先破城未破將妻子出將吏皆垂泣曰何忍舍明府去也後無食殺其愛妾以食兵將士男

女相枕而死莫有離叛城陷紹生執洪知洪終不為己用殺之 **陳容** 臧洪邑人隨

城未敗洪使歸紹及紹殺洪時容謂紹曰將軍舉大事欲為天下除暴而專先誅忠義豈合天意紹

使人牽出謂曰汝非臧洪儔空復爾為容顧曰夫仁義豈有常所蹈之則君子背之則小人今日寧

與臧洪同日死不與將軍同日生復見殺先是洪遣司馬二人出求救於呂布比還城已陷皆赴敵

死 **三國魏程昱** 東阿人太祖征徐州使昱與荀彧留守鄆城張邈等叛迎呂布郡縣

響應惟鄆城范東阿不動布使汎疑取范昱乃歸過范說其合斬允刺殺汎疑歸勒兵守卒完三城

以待太祖太祖表

夏侯惇

譙人太祖時為濟陰太守大旱蝗起惇乃斷太

壽水作陂身自負土率

鄭袤

開封人文帝時為濟陰太守下車旌表孝

弟敬禮賢能興立庠序開誘後進

吳虞曷

餘姚人濟陰太

守抑強扶弱甚著威風

晉文立

臨江人太始初拜濟陰太守政事修明

華譚

人武帝時為郵城令過濮水作莊子贊以示功曹廷掾張巡為作答教文甚美譚異而薦之又舉寒

族周訪為孝廉訪果立功名時以譚為知人

南北朝魏董騰

孝文時為郵城令在

任廉貞勤恤百姓兗州刺史鄭義申表稱薦之

高祐

渤海人孝文時出為西兗州刺史祐以郡

國雖有太學縣黨宜有黌序乃縣立講學黨止教學村立小學又令一家之中自立一碓五家之外

共造一井以給行客不聽婦人寄春取水又設禁賊之方令五五相保盜發則連坐風化大行寇盜

止刁雙

饒安人肅宗末除西兗州刺史時盜賊蜂起州人張桃弓等招聚亡命公行劫掠雙

至陳論禍福桃弓歸罪後有盜發雙悉令追捕州境清肅

邢邵

鄭人宣武時除西兗州刺史在

州有善政桴鼓不鳴吏人姦伏守令長短無不知之不營生產不擾公私吏民為立生祠勒碑頌德

及代父老及媪嫗皆遠相攀追號泣不絕

隋乞伏慧

鮮卑人高祖受禪拜曹州刺史曹俗

人多姦隱戶口簿帳恒不以實慧下車按察得戶數萬

郎茂

新市人高祖時為齋國令時有

繫囚二百茂親自究審數日釋免者百餘人有民張元預與從父弟思蘭不睦丞尉請加嚴法茂曰

元預兄弟本相憎疾又坐得罪彌益其忿非化民之意也於是遣縣中耆舊更往敦諭元預等各生

感悔詣縣請罪遂相親睦

張允濟

北海人仕隋為武陽令以愛利為行元武民以犍牛依婦

家孳十餘犢而婦家不與民訴縣縣不能決乃詣允濟允濟令左右縛民蒙其首過婦家云捕盜牛

者命盡出牛質所來婦家不知遠曰此婿家牛我無頂即遣左右撤蒙曰可以此牛還婿婦家叩頭服罪允濟過道旁有姆廬守所時葱因教曰第還舍脫有盜當告令俄大亡葱允濟召十里內男女驗之果得盜者有行人夜發遺袍道中行十餘里乃寢人曰吾境未嘗拾遺可還取之既而得袍舉政尤異遷 **唐** **鄭德本** 貞觀中為曹州刺史與滄州高陽郡丞 **唐** **鄭德本** 刺史薛大鼎瀛州刺史賈敦頤齊名謝壯稱 **韋濟** 陽武人開元初調郵城令或為鐻脚刺史 **韋濟** 言吏部選縣令非其人有詔問所以安人者對凡二百人 **嚴挺之** 華陰人開元濟第一於是擢濟醴泉令 **嚴挺之** 中以太原少尹改濮州刺史所治 **賈賁** 闕州刺史璿之子為單皆威嚴吏重足脅息 **賈賁** 父尉率兵擊賊將張通厝於宋州引兵與張巡合時雍邱令狐潮舉縣附賊行部淮陽賁遂入雍邱潮還攻之賁趨門為衆躡 **薛從** 龍門人濮州刺史儲粟二萬斛以備凶災死 **薛從** 於是山東大水詔右司郎中趙櫟為賑卹

使榷表 **孔祖舜** 山陰人為成武令雉馴於庭 **邱宏禮** 僖宗時為其才 **邱宏禮** 八平軍節

度使朱全忠陷 **五代** **梁** **李珽** 燉煌人太祖即位出曹州宏禮死之 **五代** **梁** **李珽** 知曹州素號難治前

刺史十餘輩皆坐事廢珽至以治聞遷許州畱後會歲饑盜劫汴宋間曹州尤甚復遣珽治之旋召拜左諫 **晉** **石敬暉** 高祖從弟為曹州防禦使以廉儉見稱 **趙玘** 澶州

議大夫 **晉** **石敬暉** 禦使以廉儉見稱 **趙玘** 人天

福中調濮州司戶參軍刺史白重進以其年少欲試以事因以滯獄授之玘為平決悉能中理 **周**

呂餘慶 安次人為濮州錄事參軍時宋太祖領同州節制聞餘慶有才奏為從事世宗問曰

得非嘗為濮州糾曹者乎即以定國軍掌書記世宗嘗鎮澶淵濮為屬郡故知其為人也 **宋** **侯**

涉 長山人建隆初為冤句令以清幹聞 **安守忠** 晉節度使袁彥頗為不法涉抗章言之 **安守忠** 陽

人開寶初為濮州刺史會河決澶州守忠副潁州團練使曹翰護役河決遂塞後拜濮州團練使

柳開 大名 人 太宗時 知曹州 有政績 **安德裕** 河南人 太平興國中 知廣濟軍 城新建 德

裕作軍記及圖經 **任中正** 濟陰人 通判濮州 以錢 三卷 優詔嘉獎 若水薦遷秘書省著作

佐 **李及** 范陽人 通判曹州 州民趙諫素無賴 持郡 不之見 慢罵而去 投匿名書誣及 因毀朝政 會主

封者發諫事 命及察其狀 及條上諫 前後所為不 道 詔御史治 斬於 **楊偉** 浦城人 真宗時 通判單州

都市 及由是知名 餘人謀殺巡檢使 州將不敢出 偉挺身往問曰 若 屬何為而反 俱曰 將有訴於州 非反也 偉曰 持兵

來 非反而何 若屬皆有父母妻子 以一朝忿而 謝 欲魚肉之乎 悉令投兵坐 籍首惡十餘人 斬之

濤 富陽人 真宗時 知曹州 屬縣賦稅多輸 淮陽助 兵食 屬歲霖潦 苦於轉送 濤奏留曹賦 由廣濟

河以輸京師 詔 **張存** 冀州人 天禧中 知朝城縣 寇 從之 一時稱便 準為守 異之中丞 王曙薦為

殿中侍 **郭中錫** 魏人 知博州 州兵出戍 有入脅眾 御史 為亂者 申錫戮一人 黥二人 乃定

奏至 仁宗曰 小官臨事如此 豈易得 即為御史 臺 推直官 京東盜執濮州 通判井淵 遷申錫知州事

未閱月 悉擒凶 **陳希亮** 眉州人 仁宗時 盜起 冤旬 盜召為侍御史 上以為憂 乃以希亮為曹

州 不逾月 **王德用** 趙州人 仁宗時 孔輔道言 德用 悉擒其黨 得士心 不宜久典機密 遂罷 知

曹州 或謂之曰 孔中丞害公 今死矣 德用曰 呂公 中丞言官 豈害我者 朝廷亡一忠臣 可惜也

著 壽州人 皇祐中 知單州 率五鼓起 秉燭視案牘 黎明出廳 決民訟 賓僚至者 無拘時 以故郡無

留事 下情易通 **范諷** 齊州人 慶歷中 知廣濟軍 民 為政不嚴而肅 避水堤居 凡給徭於官者 諷

悉寬縱 使護其 **田諒** 青州人 慶歷間 知朝城縣 時 家奏除其租賦 值兵興 大河北 賦調繁急 諒

安集流亡 期 **李參** 須城人 仁宗時 知濮州 時稱能 月而邑大治 吏神宗久知其才 書姓名於殿

曹州府

柱 **謝茂迪** 宣和二年為范令 盜賊不敢入境 **劉攽** 新喻人 神宗時知曹州曹為盜

區重法不能止 攽曰民不畏死奈何 **李迨** 東平人 通判濟州高宗以大元帥過濟郡守自以才不及 迨道

州事應辦軍須無闕會勸進乘輿儀物皆未備 迨諸熟典故裁定 **楊粹中** 真定人 建炎初金人大入

其制不日而辦 粹中知濮州固守不下 粘罕以濮小郡易之 將官杜端乘其不意夜擣其營

粘罕跣足走 僅以身免 遂急攻城 凡三十三日而陷 粹中不用死 守禦官杜績

亦死之 贈粹中徽猷閣待制 **韓世忠** 延安人 以功使高宗時討單州 臨濮人為曹州

魚臺賊羣益悉平 **張亢** 鈐轄 馭軍嚴明 **孫構** 博平人 為廣濟軍判官 歲入圭田粟六百

石 構止受百石 餘以畀學官 **黃介** 分寧人 辟廣死囚尹 **金毛碩** 甘陵人 皇陵中 知曹州有書生投

不能抗 書於碩 辭涉謗訛 僚屬皆不能堪

碩延之上座 謝曰 使碩常聞 斯言 庶乎寡過 士論嘉之 **納蘭胡魯刺** 大名路人為曹

州刺史 豪民僕散埽合立私渡於定陶 逃兵盜劫 皆籍為囊橐 累任莫敢問 胡魯刺捕治之 窮究其

黨 闔境 肅然 **馬驤** 禹城人 貞祐中 為曹州濟陰令 元克 肅然 曹州驤被執 榜掠求金 驤曰 吾書生

何從得是 又使跪曰 吾膝不能屈 欲殺即殺 得死 為大金鬼足矣 遂死 贈泰定軍節度副使 仍樹碑

於州 以 **元岳存** 太祖時 治楚邱 數年有惠政 **蓋苗** 元城人 延祐 五年 授單州

判官 州多繫囚 苗請疏決之 知州以部使者未報 不可決 苗曰 設使者有問 請身任其責 乃勉從之

歲饑 郡府遣苗至 戶部以請 戶部難之 苗伏中書 堂下 出糠餅以示 曰 濟寧民率食此 況不得此食

者 尤多 豈可坐視不救乎 因泣下 時宰悟 凡被災 者皆獲賑 焉有官粟五百石 陳腐以借 諸民 及秋

郡責償甚急 苗曰 官粟苗所費 今民饑不能償 苗 請代還 乃已 其責單州稅糧 歲輸館陶倉 距單五

百餘里民甚苦之是秋館陶大熟苗 **明鍾亮** 宜城人洪

先期令民糶粟倉下省民力什之伍 **明鍾亮** 宜城人洪

武中知定陶縣勤政惠民邑無廢事秩滿陞通政

經歷民詣闕奏留遣還仍知縣事歷任十八年陞

河南府 **范希正** 吳縣人宣德中知曹縣蒞政嚴明

同知 **范希正** 以姦吏構誣被遣邑民詣闕請留

累賜璽書獎勞給路費陞從六品仍知縣事正統

中山東旱饑大理丞張驥安撫東省先是希正募

民出粟數萬石收貯備荒至是賴以全活甚衆驥

以聞并奏復設曹州薦希正營建事畢即陞知州

再考請老 **毛晟** 秀水人景泰中知濮州初州城為

州人祀之 **毛晟** 河水所壞晟至奏徙州治於王村

集經營建置功 **伍禮** 臨川人天順初知曹縣遇事

集而民不擾 **伍禮** 明決時有胡聖夫人矯旨籍

曹定諸處出數千頃遣家僮入州禮力拒不 **張浩**

聽被誣就遣後得白歷再考擢知南陽府 **張浩**

昌州人天順間任曹州同知廉潔無私吏不能欺

於修舉廢墜興學勸士尤拳拳不倦時稱州佐之

賢浩為 **孫賓** 交河人成化中知定陶縣值縣治傾

第一 **孫賓** 交河人成化中知定陶縣值縣治傾

邑更新民 **王肅** 滑縣人成化中知曹縣愛民教士

不告勞 **王肅** 銳意興除時城郭圯壞肅舉工修

葺並境內堤防多 **江元** 開化人成化間為曹縣教

所增築一邑賴之 **江元** 諭以五經教士尤精於易

閱祭器之敝鑄造悉 **林暲** 懷安人成化中出為曹

訪古制并作銘以識 **林暲** 州同知才識明敏訟牘

紛委剖 **鄒魯** 江津人宏治間知曹縣優於文學

決如流 **鄒魯** 才復迅發裁決縣事迎刃而解 **郝**

芹 安邑人正德中知定陶廉正勤敏釐革宿弊洞

悉民問疾苦寬賦役修學校繕城池復剛介無

所畏避豪權 **趙景鸞** 臨潁人正德間知曹縣為政

為之屏跡 **趙景鸞** 廉平時護城堤壞議大修築

悉樹以柳民難之鸞曰民難慮始可與樂成違眾

而舉明年河大決水深丈餘與堤平邑免漂溺

紀洪 緞德人正德間知定陶巨寇劉六劉七所過

披靡薄定陶洪率敢死士屢擊却之劉六率

衆數萬誓必破定陶會洪他出夜分馳歸坑路設伏部署嚴整謂妻子曰萬一力竭無辱賊手乃積薪圍宅命城破即火之涕泣誓衆衆殊致死賊屢攻取皆敗挫乃引去城賴以全 **孟勲** 棗

人正德間任曹州判官署州事時流賊攻劫州守禦無備勲率衆死守撤屏爲陣晝夜巡警賊不敢近居民 **王圻** 嘉定人嘉靖中以御史謫知曹州盡

安堵 **劉倫** 榆林衛人嘉靖間知定陶有幹甲賦役不擾 **張養志** 陳州人萬歷中知曹官民稱便 才在任建置增修民不勞擾精騎射每寇至父子策 **張養志** 縣奉檄均地養志就

馬追獲之盜賊屏跡 尺算地折一畝而四之多寡均調民不煩而事濟爲法簡而可久吏無所容其姦曹人頌之 **成**

伯龍 長垣人萬歷中知曹縣剖決如流老吏夔服賦入額外不益累黍治事剋期而辦在任九載擢考 **孟習孔** 武昌人萬歷中知曹縣曹自王圻

功主事 平賦以後民與里書又陰爲姦習孔盡得其情更立一串鈴法 **李友楊** 永城人萬歷以救條鞭之病遵行至今 中知曹縣重厚寬簡不事苛察曹多盜下車即訪積盜貫其死用之責以緝捕大盜巢穴一空境內帖然 **周**

爛 莆田人萬歷間知曹州嚴飭吏胥擊去巨猾又嚴行保甲未幾增戶五百餘曹之尤累者有俵馬兌軍收頭三役一一畫區 **吳邦相** 杭州人萬歷請用一串鈴法至今便之 間知曹州立

法平糶招徠流移吏胥無敢作姦境內大治 **張慎言** 陽城人萬歷中知積倉穀歲再饑慎言設厰作糜周行覘視郊陌間令俱樹榆柳行者得以休息以治行第一擢御史

李恪 安邑人崇禎間爲曹州兵備僉事值歲饑疫恪盡心撫卹曹民賴之壬午城破殉節死 **張其瑾** 洛陽人崇禎間知濮州民困重賦疏請蠲租後殉壬午之難 **吳光寅** 黃

人崇禎十三年知范縣爲治嚴明豪惡斂迹僅一年坐累落職未歸壬午殉難又蔣德俊泉州人崇

肅王午知范縣城破死之高其讓萬泉左
衛人知范縣李自成陷東昌抗節不屈死
永昌人崇禎十六年知朝城縣手擒巨
賊米至等闖賊偽檄至應昌不屈死之

本朝線縉

奉天人順治初知曹州治尚簡易勸墾荒
地歲不下數百頃後土賊竊發鄰境棓杌

而曹獨獲安 **宋賢都** 奉天人順治五年知城武縣時李
化鯨之變起於倉卒賢都不及防

初以甘言誘之化鯨遂不為備進攻曹縣賢都募
死士夜薄其營化鯨覺復攻城武賢都力戰而死

闔門二十八人皆被害邑人為建祠祀焉 **尙自察** 順治五年任城武教
諭李化鯨陷城知縣

宋賢都戰死自察代署縣事選諸生有才幹者廣
集民兵捍禦賊懈則擊之可撫則招之旬月賊平

以勞卒於官士民哀之請祀名宦 **李文學** 奉天人順治六年任定
陶知縣時李化鯨餘黨

邢可觀猶負固榆園文學蒞任甫三月邢賊標掠
至境文學禦之於白塔陂身被數創而死賊見文

學挺身敢戰疑城中有備 **蔡廷棟** 廣寧人初以拔
貢授兗州訓導

不敢攻而去城賴以全 順治四年署張秋捕盜通判擒土寇丁惟嶽論
功陞曹縣教諭李化鯨陷城廷棟力戰死之 **馬**

之英 桐城人順治十六年知定陶縣值李化鯨陷
城後民物凋敝之英招集拊循數年漸復其

舊又以偽印事邑中株連數百人入之 **門可榮** 正紅
旗漢

英委曲移訊無辜盡釋邑人感之 軍康熙十年授曹縣知縣曹俗健訟可榮鎮靜廉
明人相戒不敢犯邑苦河患可榮蒞任之明年河

南徙雨雹不至城市飛蝗越境而過四虎 **黃秉中**
渡河嘉穀一莖五穗人稱為濟陰五異云

奉天人康熙二十年為范縣知縣初蒞任值邑中
已三月不雨秉中徒步拜禱甘霖立沛闡揚節孝

必先寒徵稅糧每歲全完不 **楊文乾** 鑲白旗漢軍
用鞭扑去任後民感而祀之 年授曹州知州聽斷明決嘗疏引河

歸入賈魯舊河至今邑無瀦水之患

人物漢魏相

字弱翁定陶人舉賢良以對策高第為茂陵令遷河南太守宣帝即位徵為大

司農遷御史大夫上言霍氏驕奢放縱宜損奪其權又請上書者去副封以防壅蔽地節中拜丞相

封高平侯條漢興以來便宜行事及賈誼晁錯董仲舒等所言請施行之又采易象及明堂月令奏

之請選明經通知陰陽者明言所職以和陰陽每敕掾吏出輒白四方異聞或有逆賊災變相輒奏

言與丙吉同心輔政曹曾字伯山濟陰人光武時上皆重之卒謚憲侯為諫議大夫斷石為倉

以藏書時號魏霸字喬卿句陽人兄弟同居州里曹氏書倉慕其雍和建初中舉孝廉和帝

時為鉅鹿太守以簡樸寬恕為政掾史有過先誨其失不改乃罷之吏或相毀霸輒稱他吏之長終

不及人短譖訟遂息永元中拜將作大匠典作順陵吏皆懷恩力作倍功累官至光祿大夫孫

斌 衛國人第五種為衛相相斌為門下掾種善遇之種遷兖州刺史中常侍單超以事陷種徙朔方

趙外孫董援為朔方太守蓄怒以待斌具聞超謀將俠客晨夜追種及之於太原遮險格殺送吏因

下馬與種斌白步從一日一夜行四百餘里遂得脫歸謝弼字輔宣武陽人

邑所宗建寧初詔舉有道之士對策除郎中時青蛇見前殿大風拔木詔公卿以下陳得失弼上封

事左右惡其言出為廣陵郡丞去官歸家中常侍曹節從子紹為東郡太守忿疾於弼以他罪按死

獄中後趙謙奏弼忠節收紹斬之孫期字仲或成武人少習京氏

孝牧豕以養遠方學者皆執經壟畔從之里落化其仁讓黃巾賊起相約不犯孫先生舍郡舉方正

遣使齋羊酒請期期驅豕入草不顧司徒黃琬特辟不行終於家張訓字子儁定

秋左氏傳以大夏侯侯尚書教授拜議郎與蔡邕共奏定六經文字擢侍中典領秘書甚見寵異多因

便宜陳政得失朝廷嘉之遷丹陽太守有惠政徵拜尚書遷大司農陳宮字公臺武

烈壯初從曹操後自疑乃從呂布每為布畫策不能用布敗操繼殺之

三國魏樂進

字文謙衛國人從太祖擊呂布張超橋蕤有功封廣昌亭侯從征張繡袁紹皆破之太祖表稱進曰武力既宏計畧周備每臨戰攻無堅不陷累遷右將軍卒諡威侯子繼果毅有父風官至揚州刺史

李典

字曼成鉅野人從太祖屢戰有功遷破虜將軍封都亭侯典好學問貴儒雅不與諸將爭

功敬賢士大夫恂恂若不及

吳質

字季重濟陰人軍中稱其長者薨諡曰愍才學通博為五

官將及諸侯所禮愛出為朝歌長遷元城令文帝時官至震威將軍假節都督河北諸軍事封列侯

質與孔融陳琳王粲徐幹阮瑀應瑒稱建安七子為陳思王文章之友

董昭

字公仁定陶人

舉孝廉歷任相人令事魏武歷魏郡太守贊謀居多太和中行司徒事疏陳末流之弊畧曰年少不復以學問為本專更以交遊為業國士不以孝弟清修為首乃以趨勢遊利為先此皆刑之所不赦

也帝因發詔斥免諸葛誕等卒諡定侯

王觀

字偉臺廩邱人少孤貧厲志太祖召為丞相文

學掾累遷丞郡太守明帝幸許昌召為治書侍御史典行臺獄時多有倉卒喜怒而觀不阿意順旨

遷尚書徒少府少府統三尚方御府內藏之寶曹爽等奢放多有干求憚觀守法徒為太僕累封陽

鄉侯遷司空歸里卒

晉郗詵

字廣基單父人父暉尚書左丞詵博學多才瓌偉倜儻不拘細

行泰始中詔天下舉賢良直言之士太守文立舉詵應選以對策上策拜議郎母憂去職召為征東

參軍徙尚書郎轉車騎從書中郎吏部尚書崔洪薦詵為左丞及在職嘗以事劾洪洪怨詵詵以正

拒之洪聞而慚服累遷雍州刺史武帝於東堂會送問詵曰卿自以為何如詵對曰臣舉賢良對策

為天下第一猶桂林之一枝崑山之片玉詵在任威嚴明斷甚得四方聲譽

卞粹

字元仁宛

句人以清辨鑒察稱兄弟六人並登宰府世稱卞氏六龍元仁無雙惠帝時歷侍中中書令進爵為

公及長沙王又專權粹
立朝正色又忌而害之

卞壺 字望之粹子弱冠有
名譽元帝鎮建鄴召

為從事中郎委以選舉後以功封建興縣公尋遷
領軍將軍勤於吏事不苟同時好屢正色於朝斷

裁切直不畏強禦及庾亮將徵蘇峻壺固爭之亮
不納峻果稱兵詔以壺都督諸軍與峻大戰於陵

西壺發背創未合力疾厲眾苦戰遂死之二子眇
眇見父歿相隨赴賊同時見害峻平諡忠貞祀以

太**吳隱之** 字處默鄆城人質六世孫博涉文史介
牢立有清標年十餘丁父憂每號泣行人

為之流涕事母孝謹及執喪哀毀過禮解褐輔國
功曹兒坦之為袁真功曹真敗將及禍隱之請桓

溫乞代兄命溫矜而釋之累遷晉陵太守在郡清
儉隆安中為廣州刺史清操逾勵後拜度支尚書

太常以竹篷為屏風坐無氈席家人紡績以供朝
夕義熙九年卒追贈左光祿大夫加散騎常侍子

延之復厲清操為鄱陽太守延之弟
及子為州縣者常以廉慎為門法

南北朝齊吳

苞 字天蓋鄆城人善三禮老莊宋太始中過江聚
徒教學冠黃葛巾竹塵尾蔬食二十餘年齊隆

昌時徵為太學博士不就始安王遙光
為主館於鍾山下教授朝士多到門焉

梁卞華 字
岳寃句人壺六世孫幼孤貧好學召補國子生通

周易徧習六經與平原明山賓會稽賀瑒同業友
善江左以來鐘律絕學至華乃

通遷尚書議曹郎出為吳令
江子一 字元亮濟

統七世孫家貧以孝聞起家為王國侍郎奉朝請
尋遷左丞上封事極言得失武帝甚善之侯景攻

陷歷陽自橫江將渡子一率舟師千餘人欲邀之
共副董桃生走子一乃退還南洲收餘眾與弟左

丞子四東宮主帥子五並力戰子一直抵賊營刺
賊賊解其肩子四子五相謂曰與兄俱出何面目

獨旋皆免胄赴賊死侯
景平元帝各追贈賜諡
魏寶瑾 字道瑜衛國人少
書博士為中書侍郎賜爵繁陽子參軍國謀屢有
功進爵衛國侯轉西部尚書拜長安鎮將毗陵公

在鎮八年甚著威惠徵為殿中都官典左右執法太武歎曰國之良輔毘陵公之謂矣出為冀州刺史清約冲素

李彪

字道固衛國人士少孤貧好學不著稱當時

書丞參著作事上封事七條帝皆施行遷秘書令加員外散騎常侍使於齊前後六度銜命南人奇其譽博尋為御史中尉剛直多糾劾豪右屏氣帝嘗謂羣臣曰吾之有李生猶漢之有汲黯後車駕南伐兼度支尚書與僕射李冲等意議

董徵

字文發衛

平異冲表劾之遂除名卒贈汾州刺史

國人好古學尚雅素年十七師清河監伯陽受論語毛詩春秋周易就河南高望崇受周官後於博陵劉獻之遍受諸經數年之中大義精練講授生徒太和末為四門小學博士歷官司農少卿光祿

大溫子昇

字鵬舉其先太原人祖恭之避難歸魏家於濟陰宛旬子昇博覽百家文章清

婉熙平初射策高第補御史臺中文筆皆子昇為之歷官散騎常侍中軍大將軍梁使寫子昇文筆傳於江外梁武稱之曰曹植陸機復生北土恨我辭人數窮百六濟寧王暉業嘗云江左文人未有顏延之謝靈運梁有沈約任昉我子昇足以陵顏轅謝含任吐沈

周李景

彪孫幼解屬文

初謁周文周文奇之累遷黃門侍郎封臨黃縣伯周文嘗謂曰卿祖昔在中朝為御史中尉卿操尚貞固理應不墜家風乃奏景為御史中尉兵馬處分專以委之詔册文章皆景所作也景以父在江南身寓關右自少及終不

隋翟普林

楚邱人事親飲酒聽樂時論以此稱焉

養鄉里稱楚邱先生父母疾不解衣者七旬大業初父母俱終廬墓側負土為墳盛冬不衣絮惟著單縗而已有二大隨之墓側普林哀犬

唐王雄誕

亦悲號見者嗟異司隸奏聞授孝陽令

誕厲聲罵遂縊殺之。雄誕愛人撫士。每破城無絲毫犯死之日。江南人皆流涕。高祖嘉其節。以子世果襲封。太宗時贈大將軍。諡曰忠。

徐勣

字懋公。離狐人。武德初。李密請自獻。高祖嘉之。授黎陽總管。封曹國公。賜姓李。貞觀三年。與李靖擊突厥。頡利降。其部落改封。

英國公。十八年。帝親征高麗。以勣為行軍總管。二十年。破薛延陀部落。積北悉定。高宗立。進同中書門下。勣臨敵應變。皆契事機。戰勝必推功於下。故人樂為之用。

劉林甫

觀城人。武德時為內

史舍人。與蕭瑀等撰定律令。著律議萬餘言。歷中書二部侍郎。賜爵樂平縣男。唐沿隋制。十一月。選集至春。停日薄。事叢有司不及研議。林甫請四時聽選。隨到輒擬。於是官無滯人。始天下初定。州府

詔使以赤牒授官。至是罷。悉集吏部調至萬員。林甫才銓錄。咸以為宜。論者方。隋高孝基。賈敦

頤。宛句人。貞觀中。歷遷刺史。在職清潔。永徽中。刺洛州。豪右占田踰制。敦頤舉所沒三十餘頃。以

賦貧民。弟敦實。咸亨初。為洛州長史。亦有遺愛。人先後為之立石。號棠棣碑。

劉祥道

字同

壽。林甫子。少襲爵。歷御史中丞。遷吏部黃門侍郎。知選事。釐補缺。上疏陳六事。遷司刑太常伯。每覆大獄。必歛歔。累歎。奏決日。為再不食。詔巡察關內道。多振冤滯。麟德元年。拜右相。數陳老病。罷為

司禮太常伯。從高宗封泰山。禮成。進爵廣平郡公。卒。諡曰宣。

劉齊賢

祥道子。襲爵。由侍御

史出。為晉州司馬。帝以其方直。尊憚之。時將軍史興宗從獵苑中。言晉州出佳鶴。可捕取。帝曰。齊賢豈捕鶴人耶。累遷黃門侍郎。修國史。永淳元年。進同中書門下平章事。武后時代。裴炎為侍中。辨炎不反。后怒。貶吉州長史。為酷吏所陷。死。齊賢三世

至。兩省侍郎。典選。從父應道。吏部郎中。從父弟令植。禮部郎中。凡八人。前後歷

吏部郎中。員外。世以為罕。

王元感

郵城人。擢明經

紀。王慎為兗州都督。厚加禮勅。其子東平王續。往受業。天授中。稍遷左衛率府錄事。兼直宏文館。武

后時享明堂封嵩山詔與韋叔夏等草儀具衆推練洽轉四門博士所撰書糾繆春秋振滯禮繩愆等凡數十百篇魏知古見其書歎曰五經指南也徐堅劉知幾等聯疏薦之下詔褒美以爲儒宗拜

太子司議郎兼崇賢館學士加朝散大夫卒 **杜暹** 濮陽人父承志武后

羅織獄興移疾去自高祖至暹五世同居暹尤恭謹事繼母孝擢明經策補婺州參軍以清節顯累

官安西副大都護守邊四年撫戎練士爲夷 **吳澈** 夏所樂歷禮部尙書封魏縣侯卒諡貞孝

濮陽人章敬皇后弟也代宗立擢太子詹事建中初遷大將軍澈循循有禮讓見重朝廷時以爲材

當所位朱泚反澈持節慰曉 **吳溱** 澈弟絛布衣與被害贈太子太保諡曰忠 兄澈一日賜官

封皆等進累左金吾大將軍溱才敏銳而謙畏自將帝數顧訪尤見委信元載當國久復狀日肆帝

陰欲誅顧左右無可與計即召溱圖之收載賜死德宗初出爲福建觀察使還爲京兆尹溱強力劬

儉未嘗擾民上下 **張直** 范縣人父楚平爲壽張令愛向卒諡曰成 赴調長安值巢寇亂不知

所終時道路榛梗直徒行乞食求父所在積十年不得發哀行服躬耕海濱以周易春秋教授學者

號逍遙 **劉晏** 字士安南華人七歲獻頌行在張說先生 試之曰國瑞也即授秘書省正字天

寶中舉賢良方正上元初以御史中丞兼度支鹽鐵等使廣德初進吏部尙書同平章事尋爲轉運

租庸等使時中外艱食晏凡所經歷必究利病之由出納錢穀必委士類嘗言戶口多則賦稅自廣

故理財以養民爲先晏有精力多機智變通有無曲盡其妙楊炎執政與晏有隙貶忠州刺史復構

誅晏天 **五代梁葛從周** 字通美郟城人從梁太祖下宛之 攻蔡州太祖墜馬從周扶

復騎與敵步鬪身被數創太祖用爲大將擒朱宣走朱瑾表爲兗州留後畧地山東五日而下洛邢

磁三州乃兼邢州畱後劉仁恭攻魏從周從太祖救魏敗之爲泰寧軍節度使招降劉鄩太祖卽位

拜左金吾衛上將軍末帝初封陳留郡王卒 **賀瓌** 字光遠事鄆州朱宣

祖累遷相州刺史末帝時為招討使晉兵以輕兵襲濮州瓌自行臺躡之戰於胡柳陂斬其將周德

威盡取其輜 **周翟光** 字化基鄆城人父景珂備重以疾卒 儻有膽氣光鄆晉時為青

州防禦使歷漢至周拜宣徽使樞密副使出知承興軍卒於官為人沉默多謀事繼母以孝雖貴不

營財產嘗假官舍以居雍睦親族與均有無臨政以寬靜休息為意病亟戒左右以尸歸洛無久留

以煩軍府既卒州人上書乞留葬立祠不許 **王贊** 觀城人少為小吏累

使周世宗鎮澶淵每決囚贊引律令辦斷中理即署右職及即位累遷右驍衛將軍三司副使時張

美為使世宗問京城衛兵歲廩幾何美不能對贊代奏甚悉及征關南以贊領河北計度使五代以

來姑息藩鎮有司不敢繩以法贊所至發摘姦狀無所畏忌振舉綱領號為稱職 **宋張昭**

字潛夫范縣人直之子未冠徧讀九經盡通其義後至贊皇遇程生授史學能馳騁上下數千百年

事著十代興亡論躬耕負米以養親後唐莊宗時署府推官同光初加監察御史裏行天成三年拜

右補闕史館修撰為紀年錄二十卷莊宗實錄三十卷歷周晉累遷兵部尚書嘗撰周祖實錄及五

朝實錄宋初拜吏部尚書進封鄭國公致仕昭博通學術書無不覽兼善天文風角太一卜相兵法

釋老之說尤好纂述自唐晉至宋專筆削典章之任著嘉善集五十卷名臣事迹五卷 **王著**

字成象單父人性豁達幼能屬文任周為翰林學士宋初加中書舍人建隆二年知貢舉時亳州獻

紫芝鄆州獲白兔隴中貢鸚鵡著獻頌因以規諫詔褒之乾德六年復為翰林學士加兵部郎中開

寶二年卒著少有俊才善與人交 **譚延美** 朝城人好延譽後進當世士大夫稱之 周世宗

鎮澶淵募置帳下建隆初累遷內殿直都知太平興國初為蘄州刺史雍熙三年北伐為行營都監

出飛狐北遇敵延美麾騎軍直進敗之徙知寧遠軍契丹兵抵城下延美開門以示之不敢入遂引去咸平中以左領軍齋上將軍致仕

錢守俊 雷澤人少勇鷲周顯德中應募事太祖從征淮南乾德中轉殿前班都知尋征太原方戰矢中左足拔而復進格鬪不已還遷馬步軍副軍都頭太平興國中從征范陽師還道遇敵戰於徐河斬首千級奪馬百匹雍熙三年北征出飛狐道邊騎雲集守俊按甲從容進戰大敗之累授左領軍衛大將軍領潘州防禦使卒

張齊賢 字師亮宛句人孤貧立學有遠志太祖幸西都齊賢以布衣獻策馬前召至行宮齊賢以手畫地條陳卜事帝還語太宗曰我幸西都惟得一張齊賢異時可輔汝為相也太宗時擢進士名稍後一榜盡與京官累遷左拾遺車駕北征齊賢上疏謂擇卒不如擇將任力不如任人又陳安民之策謂凡賦歛苛重者宜改正之為聖朝之法六年為江南西路轉運使前代弊政論免之雍熙三年北伐齊賢請行即

知代州遼兵來設伏敗之淳化二年叅知政事尋同平章事真宗即位以兵部尚書同平章事嘗從容言皇王之道而推本其所以然出判河陽拜右僕射代還請老以司空致仕卒諡文定

姚坦 字明白濟陰人開寶中擢第太平興國八年以部曹郎中為益王府翊善王於邸中為假山費數百萬召賓僚宴飲觀之坦獨俯首王強使視之坦曰但見血山耳王驚問坦曰州縣催科鞭笞流血此皆租稅所為非血山而何時太宗亦為假山聞而毀之且召慰諭景德初知鄧州被詔嘉獎

戚

同文

字同文楚邱人幼孤祖母携育外氏祖母卒晝夜哀號不食數日鄉里為之感動徧誦五

經讀書累年不解帶將軍趙直厚加敬禮為築室聚徒學者不遠千里同文純質尚信義力濟貧乏未嘗言人短好為詩有孟諸集二子維綸並以文行名

張詠 字復之郵城人節太平興國五年登進士乙科累轉太常博士太宗聞其強幹出知益州詠為政恩威並用蜀民畏

而愛之咸平初入拜給事中二年以工部侍郎出知杭州屬歲歉民多鬻私鹽詠悉寬之真宗以詠前在蜀治行優異復命知益州會遣謝濤巡撫西蜀上令傳詠詠曰得卿在蜀朕無西顧憂矣歷知昇州代還抗論請誅丁謂王欽若章三上出知陳州卒諡曰忠詠剛方自任樂為奇節真宗嘗稱其材任將帥以疾不盡其用自號乖崖有集十卷

戚綸 同文子太平興國八承真宗即位命為秘閣校理拜右正言龍圖閣待制留意吏治每便殿請對或中夜召見多所敷啟恩寵甚盛樂於薦士每奏十數人皆當時名士有集十卷又前後奏議別為論思集十卷

邢昺 字淑明濟陰人太宗時擢九經及第真宗初置翰林侍講學士以昺為之命坐講春秋於殿上因敷陳時事或召對詢訪至夜分尋召昺與杜鎬孫奭等校定三禮三傳孝經論語爾雅等書義疏以老請補外上以久在講席使

任中正 字慶之濟陰人以工部尚書知曹州卒

大名府轉運使陳緯舉以自代太宗曰朕自知之中正軀幹頗長帝擇大笏長緋衣賜之至部歲大稔租賦平糴皆盈羨發運使欲悉調餉京師中正曰今偶餘或稍歉則永為民患矣乃止調兩浙轉運使歲饑不俟詔發廩賑之祥符九年叅知政事仁宗時累遷禮部尚書弟中師字祖聖官至樞密副使太

馬元方 字景山鄆城人淳化三年進士及子少傅第知萬年縣諸將討李繼遷關輔轉餉踰瀚海多死亡獨元方所部全十九遷殿中丞戶部使陳恕奏為判官元方言方春民貧請貸庫錢至秋冬合以絹輸官行之公私

徐起 字豫之果便因下其法諸路官至兵部侍郎

舉進士累官開封三司度支判官出為荆湖北路轉運使部有戍卒殺人繫獄其徒欲劫之起聞亟往按誅之分其徒隸他州為徐州轉運使募富室得米十七萬斛賑餓殍又移粟以贍河北京西者凡三百萬徙江東請開長淮舊浦

邊肅 字安國楚邱人舉進以便漕運累遷秘書監知湖州卒

士累遷工部郎中出知曹州徙邢州會敵兵大至城堞傾圮無守禦具真宗在澶州密詔聽便宜南保他城肅匿詔不發督丁壯登陴固守勒兵以待敵至出擊之小勝敵莫測引去時他鎮閉壁不出老幼趨城者肅悉開門納之擢樞密直學士歷泰寧軍節度副使

侯義

楚邱人備身事母盡

孝里人有葬親而返舍者母泣曰我死其若是乎義曰母勿悲義斷不忍也及母卒竭力營葬晝則負土築墳夜則痛哭墓側踰年墳間瓜異蒂同實木連理巨蛇遶其廬野鴿依而不去有盜劫其衣服既而愧悔

王能

字廣濟定陶人咸平初為濟州團練使知靜戎軍建議決鮑河

斷長城口北注雄州塘水為戎馬限方舟通漕以實塞下又開方田於靜戎順安之境敵來輒擊走之真宗稱其宣力公家祥符初以副都指揮領曹州觀察使天禧初進彰義節度使卒

燕肅

字穆之濟陰人以寇準薦為著作佐郎歷官判尚書刑部建言京師大辟必覆奏而州郡疑獄上請

者多為法司所駁且得不應奏之罪願如京師槩得覆奏詔許之其後上請者多得貸自肅始肅言太常鐘磬益不協乃詔與李照宋祁同按王朴律即剗剔考擊試之聲皆協肅喜為詩性精巧能畫嘗造指南記里鼓二車及敲器以獻又上蓮花漏法世推其精密子度字唐卿有心計凡六任大農慶厯中三司請權河北鹽度言川陝不權酒河北不禁鹽此祖宗順民不易之制議遂寢孫英字仁叔歷戶部尚書靖康間

李迪

字復古其先趙郡人曾祖在欽徙家於濮

迪深厚有氣局舉進士第一授將作監丞累遷翰林學士時頻旱蝗迪請發內藏庫以佐國用他日召對龍圖閣真宗謂迪曰曹瑋在秦州屢請益兵第怯耳迪對曰瑋知峭嘶囉欲入寇故請益兵非怯也探佩囊中方寸小冊取紙筆具疏某處當留兵若干餘悉赴塞下帝曰真所謂頗牧在禁中矣未久峭嘶囉果犯邊帝益重之天禧中叅知政事周懷政之誅帝怒欲責太子迪從容奏曰陛下有

幾子乃欲爲此事上寤乃獨誅懷政尋同平章事
 寇準既貶丁謂用事出知鄆州仁宗卽位起爲秘
 書監復同平章事景祐中卒諡
 文定帝篆其墓碑曰遺直之碑 **高弁** 字公儀雷澤
 人弱冠從種
 放學於終南山又學古文於柳開與張景齊名舉
 進士累官侍御史諫修玉清昭應宮降知廣濟軍
 歷知陝州卒弁性孝友爲文章多祖六經及孟子
 喜言仁義有帝則三篇爲世所傳與李廸賈同陸
 參朱頤尹焞相友善石 **張奎** 字仲野臨濮人中進
 延年劉潛其門人也 **張奎** 字累遷殿中丞會秦
 州鹽課虧緡錢數十萬事連十一州詔奎往按還
 奏三司發鈔稽緩非諸州罪因言鹽法設重禁爲
 民病於是悉除所負母卒廬於墓自負土植松栢
 服終累加樞密直學士歷知鄆州奎治身有法度
 風力精強所至有 **張亢** 字公壽奎弟少豪邁有奇
 治績吏不敢欺 **張亢** 節事兄奎甚謹進士及第
 爲應天府推官通判鎮戎軍上論西北攻守之計
 既而契丹聚兵幽涿間遂使知安肅軍元昊反累

遷右驍驍歷知鄆州上疏言軍政復多施用會夏
 人引兵屯玻璃堡縱遊騎鈔麟府間徙亢爲并州
 都鈐轄管勾麟府軍馬事遂戰於兔毛川亢突兵
 轉戰敵大潰築五堡麟府之路始通後知代州兼
 河東沿邊安撫事終徐州總管亢輕財好施人
 樂爲之用馭軍嚴明所至有風績民圖像祀之 **杜**
曾 濮州人爲吏號知法嘗言國朝因唐大中制故
 殺人雖已殺未死已死更生皆論如已殺夫殺
 人者死傷人者刑先王不易之典律雖謀殺已傷
 則絞蓋甚其陰致賊害耳至故殺初無殺意須已
 死乃有殺名無殺名而有殺法則與謀殺孰辨請
 格勿用又言近世赦令殺人已傷未死者皆得原
 減非律意請傷者從律保辜法 **馬默** 字處厚成武
 死限者論已殺勿赦皆著爲令 **馬默** 字處厚成武
 詣徂徠從石介學介語諸生日馬君他日必爲名
 臣登進士第知須城縣鄆守張方平諉以事還薦
 爲監察御史裏行遇事輒言無顧時議尊崇濮王
 呂誨等力爭悉出補外默請還之不報神宗卽位

通判懷州。有善政。召為三司鹽鐵判官。以論新法不便。出知濟兗二州。還提舉三司帳司。為神宗言。用兵形勢。及指畫河北山川道里。應對如流。神宗將用之。大臣滋不悅。以提點京東刑獄。默性剛嚴。疾惡部吏。有望風投檄去者。歷知徐州。召為司農少卿。司馬光為相。問默以復鄉差。衛前法如何。默曰。不可。如常平。自漢為良法。豈宜盡廢去。其害民者可也。除河東轉運使。移兗州。以寶文閣待制致仕。

李紘 字仲綱。楚邱人。第進士。歷知於潛。南安。剡。友誼。范仲淹被謫。朝士無送者。紘獨出郊餞之。與劉顏為友。顏死。請移任子恩官。顏之子。人皆以為難。弟緯。字仲文。天性忠孝。語古今孝義事。輒感泣。用杜衍韓琦薦。為河北安撫使。

李東之 字公明。廸子。獻文召試。賜進士出身。累擢侍御史。知雜事。東之少受知於寇準。至是論準保護之功。仁宗惻然。即賜其碑。曰。旌忠。英宗即位。富弼薦其學行。帝勞之。曰。卿通識者。儒方咨訪。以輔不逮。豈

止經術而已。拜太子太保。致仕。東之出都門。即幅巾白衣。以見客。再遷少卿。卒。從弟肅之。字公儀。歷官龍圖閣直學士。內行修飭。母喪。廬墓三年。季弟承之。生而孤。肅之鞠育。誨道。至於成人。遂相繼為侍從。帝稱其一門忠孝。承之性

李及之 字公達。廸弟子。由廕嚴重。有忠節。歷官戶部尚書。

登第。歷通判河南府。入判刑部。撰次唐史。有益治體者。為君臣龜鑑八十卷。王堯臣上其書。韓琦亦以館職薦之。除秘閣。及之吏事精明。所居皆稱職。以大中大夫致仕。

王疇 字景彛。濟文字仲明。歷知州郡。為政務平恕。至同知樞密院事。疇中進士第。遷翰林學士。修唐書。仁宗獵近郊。疇引十事以諫。遷給事中。英宗即位。屢上疏。請御朝聽政。太后還政。疇請講求尊崇母后之禮。及議配饗。請奉仁宗配饗明堂。朝廷以疇論事有補。器異之。累遷樞密副使。疇性介特。屬風操。坐立疑然。卒。諡

李師中 字誠之。緯子。年十五。上封事。言時政忠簡。由是知名。舉進士。知洛川縣。遷中允。

提點廣西刑獄攝帥事邊人化其德畫像事稱李大夫不敢名熙寧初拜天章閣待制知秦州以持重總大體自處歷知瀛州乞召司馬光蘇軾等置左右又言時政得失呂惠卿排之貶和州團練使卒初包拯參知政事或云朝廷自此多事矣師中日包何能為今鄆縣王安石眼多白甚似王敦他日亂天下必斯人也每進見多陳天人之際君臣大節以進賢退不肖為課相法杜衍范仲淹富弼皆薦其有
張燾字景元奎子舉進士通判鈞州累遷陝西都轉運使加龍圖閣直學士知成都府由給事中易通議大夫卒燾才智敏給嘗從范仲淹使河東至汾州民數百趨訴仲淹以付燾方與客奕局未終處決已竟英宗時三司奏事帝詰鑄錢本末皆不能對燾悉論無隱帝顧左右識**和斌**字勝之郵城人為德順軍指揮使從其姓名**和斌**次青南征師還張破賊陣形於殿廷仁宗拊勞擢文恩副使權廣西鈐轄收秦鳳廣西以蠻事乞留秦州亦請之詔留廣西累歲徙涇原

召對議者謂交州可取斌盛言有害無益願戒邊臣無妄動神宗歎曰卿質直如此乃知兩路爭卿為不誣矣歷官步軍都虞候斌老於為將以忠信得邊人心嶺南珍貨一無所蓄邊吏欲希功或謀報啓釁斌折其姦謀故
張守約字希參濮州人歐陽修薦其有智畧所至無事士大夫稱之

知邊事歷知融定河岷環邠涇七州皆有惠愛可紀以神龍衛四廂都指揮使召還道卒神宗嘗問武臣可任者以燕達劉昌祚王崇極等對後皆為名將時稱知人
李孝基字伯始東之子

進士高第唱名至墀下仁宗顧侍臣曰此李迥孫也能世其家可尚也晏殊富弼薦其才任館閣欲一見之孝先竟不往知汝陰雍邱二縣通判闔州舒州歷知隨州所治雖劇事來亟斷甫日中庭已空矣或問其術曰無他省事耳累官光祿卿與父東之同謝事纔年五十士大夫美之以比二疏云

杜純字孝錫郵城人少有成人之操伯父歿官南海上柩不能還純白父請往如期而喪至以

蔭為泉州司法叅軍熙寧初充審刑詳議官或議復肉刑先以別代死刑之輕者純不可事遂寢奏帥郭達與王韶訟純受詔推鞠得韶罪王安石理韶變其獄免純官元祐元年范純仁韓維交薦之除河北轉運判官初更役書司馬光稱其議論詳盡與之書曰足下在彼朝廷無河北憂官至集賢殿修撰

杜紘 字君章純弟起進士為永平令神宗聞其才用為大理評斷官紘每議獄必博經義累遷大理卿權刑部侍郎加集賢殿修撰為江淮發運使知鄆州徙應天府卒紘事兄純禮甚備在鄆州聞訃泣曰兄教我成立今亡不得臨死不瞑矣適詣闕迎其柩於都門哀動行路悉以俸錢給寡嫂推恩官其子若孫一人宦京師里人馬隨調選病臥逆旅紘載以歸竟死為治喪第中其風義蓋

寶卞 字彥法宛句人舉進士通判汝州歷天性云開封府推官方禁銷金為衣卒捕得之

以中禁為言卞奏曰真宗行此制自掖庭始不正以法無以示天下英宗從其請出知深州熙寧

初河決滹沱流民接踵卞不待報發粟給之時發卒築武疆卒情主者咎之不服卞命斬之以聞有詔嘉獎官至

金賀揚廷 字公叟濟陰人天德間經天章閣待制義進士以廉能遷刑部侍郎

郎轉山東兩路提刑使性疾惡纖介不少容歷洛州防禦使洛人為之立石頌德

商衡 字平

叔曹州人至寧元年進士第一歷遷監察御史內族慶山奴守盱眙為李全所敗置不問衡言敗軍

之將必正典刑不爾無以謝天下曹溫以掖庭親舊干預權利衡歷數其罪哀宗為之動容出溫為

汝州防禦使天興初關陝行省徒單兀典等敗鐵嶺衡為秦藍帥府經歷招集潰軍為敵所得望闕

瞻拜引佩

任天寵 字清叔定陶人明昌中進士貞刀自刎

中都路轉運使時京城戒嚴糧運艱阻天寵悉力營辦出家貲以濟饑者全活甚眾遷戶部尚書及

中都守天寵走南京

元商挺 字孟卿衡之子元中道遇敵死之謚純肅

稱旨間陪宴語字而不名因言李壇城胸山東平為饋米萬石率十石致一且車困泥淖後期當死何重困民若是何不輸沂州使壇軍自取食耶世祖曰愛民若此忍不卿從乎世祖北還挺與廉希憲密贊大計既即位命同宣撫陝蜀帝嘗數其前後大計凡十有七累遷樞密院副使卒諡文定挺有五子琥璘璿璠琦璠琦最知名

朱汝諧 濮州人父子明嘗命與家盡廢汝諧乞請共居仲父子昭子玉貧病汝諧迎至家奉湯藥甘旨甚謹後卒喪葬盡禮鄉人賢之州縣以名聞

張企誠 字思敬曹州人與弟企賢賜旌表其間

東兵亂企誠兄弟扶母坐箕中肩昇而行日夜跋涉賊相戒不犯歲荒歉拾野菜為食於母供奉不

明李仕魯 字宗孔濮州人自幼嗜學聞婺人朱初詔求傳朱學者有司以仕魯應除黃州府同知暮年以治聞召為大理寺卿時有僧碧峯者求為

僧建職司帝欲許之仕魯三上章諫不聽頓首帝前曰陛下既信其教無怪臣言之不入也願還陛下笏乞歸田里帝大怒

楚樟 朝城人資性明敏博命衛士捽毆之立死

經舉任本縣訓導教人有法

商嵩 定隴人洪武初士多成材擢詹事府丞

言時政彈劾權

李秉 字執中曹縣人正統中進士貴無所回護

歷官僉都御史巡撫宣府及蘇松大著聲績提督建州軍務討平寇亂拜吏部尚書進太子少保銳意澄清權貴請託皆不聽以是被陷林居二十年卒諡襄敏

馮昱 濮州人正統中由舉人授監察御史錦衣衛指揮門達怙寵弄權昱首抗論列其罪達遂

李木 字時升曹州人景泰中進伏法官至河南按察使副使

士官禮科給事中繩糾得禮累遷南光祿少卿至性友愛兄子早孤教養如己子先業盡以付之

王禮 朝城人早喪父事母至孝食非手調不以進母歿哀毀過禮廬墓三年手種松栢成林有

二蛇遊其側馴習自如景泰中旌表魏元

字景善朝城人天順進士授禮科給事中成化初萬

貴妃兄弟驕橫元列其罪疏七上不報慈懿皇后崩議者以為不當祔廟元與工部給事中徐恪爭

之卒成禮官至王珣字德潤曹縣人成化中進士授太康知縣以治行擢御史

江西右叅政行部蘇松例獲盜三百陞四品俸時以盜註誤者至數十人珣按非實多所平反曰吾不能殺人以

進階也後至副都御史巡撫寧夏議濬賀石巍字蘭山渠以廣屯田子崇文崇獻皆至巡撫

望曹縣人成化中進士官至蘇州知府以文公家禮與時俗多不合乃遠酌禮經近依律例成書行之曹人奉

為文獻陳九疇字禹學曹州人善騎射多權略州兵備土魯番入寇九疇出奇兵襲其營俘斬甚

衆尋陞陝西按察使番人萬餘人寇九疇以三千兵追至瓜州盡俘其衆論功第一王瓊忌其功嗾進貢番使誣奏坐九疇罪後武宗悟從未減遣戍

鐵嶺嘉靖初起陝西僉都御史時番主速檀滿速兒等大舉入犯九疇率驍騎大敗之進副都御史

以病歸天啟宋顯章字文光濮州人為諸生有醇間追諡忠襄

至日此孝子里也相戒勿犯年四十卒無子妻辛氏歿畢自經以殉有司建節孝坊祀之蘇祐

字允吉濮州人嘉靖進士除吳縣令拜監察御史出按宣大大同兵變捕首惡斬之乃定累遷副都

御史巡撫山西入為刑部兵部侍郎總督宣大罷歸前後歷官俱有能名為詩奔放自喜齊魯間推

之二子濂淡江東字伯陽朝城人嘉靖進士授工部主事歷巡撫遼東總督宣大

亦工於詩免歸南京兵變起為兵部侍郎往按治誅首惡江

南倭亂奉詔討平之擢南京兵部尚書改戶部俺答圍大同右衛糧餉告絕命東總督宣大齎米三

萬斛往救東合士各持火器倍道趨進距右衛百里許晝鳴鼓發銃夜列萬炬燭天敵驚遂解圍去

累加太子太保卒於邊諡恭襄東侗儻有謀推誠

御下人 **曹邦輔** 字子忠定陶人嘉靖中進士歷知

陝西疏邊臣諱寇狀逮者七人後為河南副使浙

江按察應天巡撫親平巨寇趙文華求賄不得誣

陷謫 **何爾健** 字明甫定陶人萬歷中進士知鄆陵

籍沒張璫力諫出無罪者萬餘人出按遼左大瑞

高淮橫虐爾健收其黨杖殺之官至大理寺丞

楚煙 字方壺曹縣人天啓中進士宰龍溪蕩平海

被執賊知其貧欲縱之烟立求死遂見害子鳳

苞以身蔽父先被數創死妻趙氏亦觸柱死 **劉**

太清 字得一定陶人天啓中以明經任望江知縣

節死 **葉廷秀** 濮州人天啓進士崇禎中歷戶部

抗疏論救帝怒杖之百遣戍福建乃受業劉宗

周之門篤志正學羣臣交章薦之終未任用 **朱**

廷煥 字衷白單縣人以進士歷官大名府知府崇

禎甲申賊劉宗敏移檄諭降廷煥作書其父

然後縛偽使以大礮向賊

營擊之賊怒城陷支解之

本朝 **朱纁** 字武林廷煥子以父死難終身不御羅綺

間邑中有大興作必竭資以襄民

力歿之日鄉人有感慟失聲者 **朱應麟** 字石抱

幼有至性父病籲天求減已壽以代父疾果瘳好

施與助舉喪葬者數十計代完娶者十餘人而贖

榆林賊之擄婦拒李化鯨

之寇掠鄉人尤頌其德 **何覲** 曹州人康熙丁未

兵難覲哀憤欲自縊門客勸以宗嗣大義且母在

乃扶櫬奉母歸里干戈搶攘中色養備至官至內

閣中書 **李泰** 字陽復單縣人性純孝十七居親喪

舍人 哀毀骨立推所有田產奴僕與姊及

甥共之歲饑捐數千金助 **王哀** 曹縣人金吾前衛

賑存活無算邑人咸德之 指揮邑有巨蟒為

人害哀斬
之害遂息

流寓唐蕭穎士

梁鄱陽王七世孫補秘書正字奉使
括遺書趙衛間久不報為有司劾免

留客濮陽於是尹徵王恒盧異盧士式賈邕趙匡
閻士和柳并等皆執弟子禮以次授業號蕭夫子

宋畢士安

雲中人父又終觀城令因家焉士安少
好學事繼母祝氏以孝祝氏曰學必求

良師友乃與如宋又如鄭得楊
璞韓丕劉錫為友因為鄭人

范仲淹

字希文蘇
州人依戚

同文因寓楚邱後又
與楚邱李紘為石交

陳師道

字無已彭城人善為
文紹聖初其婦翁郭

槩知曹州因來寓曹數年
與教官晁無斃多唱和

范純禮

吳縣人崇寧中
貶靜江軍節度

副使徐州安
置徒單州

列女唐賈孝女

郵城人年十五父為族人元基所殺
弟疆仁尚幼孝女不肯嫁躬撫育之

疆仁能自樹立教伺元基殺之取其心告父墓疆

仁詣縣言狀有司論死孝女詣闕請代弟死高宗

閔歎詔

晉卞壺妻裴氏

壺二子眇眇同死父難母
裴撫二子屍哭曰父為忠

臣汝為孝子

宋焦孝女

定陶人家貧父早喪女與
母居性純慈事母至孝母

復何恨乎疾思食燎麥時隆冬女號泣求於郊原忽新吐麥

穗歸以奉母母疾遂瘳人以為孝誠所感立祠祀

劉潛妻姜氏

定陶人潛以進士知蓬萊縣代還
母暴疾卒潛一慟遂絕妻撫潛屍

哀號而死時人傷之日
子死於孝妻死於義

元丁從信妻李氏

郵城人
名冬兒

年二十三從信歿服闋父母呼歸欲再為擇婿冬
兒不從詣從信冢哭日暮還信家入室更新衣自

經死**明郭憲妻趙氏**曹縣人年二十四夫死無子誓
節不嫁正德辛未劉賊掠曹迫

之不從遇害又李聘儒妻王氏
胡贊女俱為賊所得痛罵被殺**馬洲妻寇氏**曹州人年

二十劉賊卒至欲犯之寇瞋目大罵賊以槩貫其子脅之罵益厲賊肢解之嘉靖中旌表又李興女賊脅以刃陳玲妻劉氏曹縣人嫁未幾夫故劉日不從見殺夜號泣欲以身殉家人防

之稍懈卒田增妻徐氏曹縣人年十七增亡其姑自縊柩旁陳亦少寡泣謂曰吾夫與

子皆歿相依者婦耳然汝甚少忍相誤乎徐抱姑大哭以死自誓家貧十指拮据以養姑嘉靖中表

其李世資妻張氏曹縣人夫亡食貧撫孤後其子門成名有司上其

節詔旌其門魏禮妻李氏曹州人禮死家貧無

績操作以給守竇璉妻張氏單縣人夫避水渡河節三十餘年溺死張聞之身入水

負其屍還遂自縊邑人哀之孔良弼妻喬氏定陶人二十六而寡撫二孤堅守親

授句讀後皆成名良弼弟良臣亦早卒邢隆妻孫妻劉年二十四亦教孤成立旌曰雙烈

氏范縣人隆出賈流賊至母老不能行孫侍姑不夫去賊欲污之孫曰吾儒家女誓不從賊賊刺其腹而死又蔣養正妻張氏士寇陷城養正縊死張携女子婢妾七人俱投井死李廷揖妻呂氏廷揖

守城死於賊呂携幼女哭尸旁鄰婦促之避賊呂日夫死安所之乎抱女投井一婢隨之俱死吳一

脈妻李氏為賊所掠迫挾上馬自投於地賊及岳其胸死丁孔熿妻徐氏聞孔熿死於兵自縊死

爾高妻孟氏朝城人崇禎壬午城陷爾高及長子中瑾皆殉難孟聞變以幼子付僕姬

自與子婦呂氏及三女俱投井死

本朝張敦雅妻周氏荷澤人順治間榆園賊起敦雅禦賊死周聞變往哭之手擊賊

破其面賊怒肢解楊氏女荷澤人名存姐為強暴之康熙年旌

張氏女亦以拒暴被殺俱於康熙年旌王大有妻段氏城武人許配大有未婚而

殺俱於康熙年旌

卒氏聞訃自縊又同邑譚瑜妻邵氏曹縣和剛妻張氏俱未婚夫死聞訃自縊康熙年

都陽妻牛氏 鄆城人夫亡自縊康熙年 **王化妻汪氏** 曹縣人順治五年李化鯨之變化攜氏赴魚池中家人救之化死而氏復蘇遂撫孤守節年七十餘而歿康熙年

張坦妻沙氏 曹縣人坦出外有惡少年欲犯之氏不從碎顛而死又同邑邵東妻趙氏強暴夜入其室氏持刀拒之為所殺俱康熙年

紀太青妻劉氏 曹縣人青為兵所掠久無音耗父母欲議改婚氏遂自縊康熙年

孫思溫妻張氏 單縣人夫亡自縊又同邑人年十七守節 **蘇大魁妻王氏** 單縣人大魁外出強

節壽至百歲 **馬折桂妻朱氏** 單縣人夫亡自縊又同邑氏不從 **謝國璧妻劉氏** 曹縣人李化鯨陷城

被殺 **不食** 謝國璧妻劉氏 氏攜其女投河死

仙釋漢薊子訓 建安中客濟陰宛旬嘗抱鄰家嬰兒母大恐發瘞視之但見衣被過榮陽車驢忽斃子訓以杖叩之驢蹶然興子訓去惟見白雲騰起時有百歲翁言見時見訓賣 **園客** 濟陰人嘗種五色藥會稽市中貌已如此 香草積數十年食其實一日有五色蛾止香樹稍客收而以布薦之生桑蠶至蠶時有好女夜至自稱客妻與客俱收蠶得百二十頭繭皆如養大繅一枚六七日始盡訖則俱去莫知所在故濟陰人世祠桑蠶設祀室焉

仙釋漢薊子訓

建安中客濟陰宛旬嘗抱鄰家嬰兒母大恐發瘞視之但見衣被過榮陽車驢忽斃子訓以杖叩之驢蹶然興子訓去惟見白雲騰起時有百歲翁言見時見訓賣

園客 濟陰人嘗種五色藥會稽市中貌已如此 香草積數十年食其實一日有五色蛾止香樹稍客收而以布薦之生桑蠶至蠶時有好女夜至自稱客妻與客俱收蠶得百二十頭繭皆如養大繅一枚六七日始盡訖則俱去莫知所在故濟陰人世祠桑蠶設祀室焉

唐趙州和尚 曹州人姓郝名從穗攜錫徧歷諸方年八十始住趙州東觀音院積

四十年凡舉問者皆為敷揚乾寧四年逝其徒稱為真濟禪師 **臨濟** 南華人姓邢黃檗和尚坐下行業純一得佛法大意後住鎮州臨濟院尸解其夕月色如晝由西北昇太極見者皆望空

宋甄棲真 字道淵單父人應進士舉不第而拜 遂棄業讀道家書以自樂出遊

京師因入建隆觀為道士。後遇許元陽授練形養元之訣行之二三年。漸返童顏。攀高躡危。輕若飛舉。乾興元年秋。謂其徒曰。此歲之暮。吾當逝矣。即宮西北隅。自發殯室。室成不食一月。衣紙衣。臥磚榻。卒。及久。形如生。眾始驚。傳以為尸解。棲真自號曰神光子。與海蟾子以詩往還。有養生秘術。曰還金。臨濮人。事親以孝。聞為轉運使。不受小篇。王老志。吏賄謝。遇異人於丐中。自言鍾離先生。與之丹。服之而狂。遂棄妻子。結草廬田間。時為人言休咎。政和三年。召至京師。封洞微先生。復歸濮死。

明仙桐道人 嘗遊曹南定清寺。徹衣垢面。形如坐根上。曰。此樹由我再生。索水嚙之。越三日。頓發枝。踰月。扶疎圍五六尺許。越人狀貌奇異。少孤。為酒家傭。遇異人。授以仙術。或經旬不食。雖隆冬。單衣行乞於市。而氣體充粹。雙目炯然。言休咎皆應。忽一日。端坐而逝。後有人見於遼陽。意為尸解云。

土產

綿絹

唐史地理志 曹州土貢

瓜萋仁

舊志曹州貢

葶藶子

唐史地理

志曹州土貢

薏苡仁

定陶縣貢

牡丹

州志牡丹種至數百。蓋土性所宜。花時爛若雲。

錦牡丹自宋時初盛於洛。再盛於亳。百年來最盛於曹。與亳為近。易致佳種也。

平絹

元和志濮

州開元貢絹府志

枸杞

出濮州者佳

細纈濮州稱良



清
經
史
子
集

